

西營劉氏家譜

成

上海图书馆

登记号码

JP00001027

上海图书馆
藏
书
号
JP00001027

西營劉氏家譜卷十一

行述

內狀

行略附

問松公行述

朗齋公行述

杲溪公行述

文定公行述

許太夫人行述

容齋公行述

圃三公行狀

余夫人內狀

光緒丙子續編第玖拾柒號

給大分十八世孫宗植

珍藏毋得損污遺失



趙夫人內狀

運帷公行述

霽軒公行畧

皇清勅授文林郎福建臺灣府彰化縣知縣先考問松
府君暨先妣岳孺人行述

嗚呼天何遽奪吾父母之速也痛先府君之棄不孝
而長逝也甫及期先孺人卽見背蒼蒼者天酷烈一
至此耶不孝懼此鞠凶五內摧裂雖相從地下豈足
以贖尙復何言惟是府君立身服官孺人母儀壺範
可以信今而傳後尙不克詮次萬一以至泯沒無聞
則不孝之罪萬無可道今卜吉于乾隆三十二年正
月十九日奉府君孺人匱合葬卜弋橋鳴鳳鄉之新
阡謹濡血和墨追述行實以冀大人先生哀憐而採

擇焉府君姓劉氏諱辰駿字湘渠號問松高祖訥章公諱光斗乙丑進士工部郎中廣西主考

誥贈朝議大夫曾祖素隅公諱履旋丁亥進士直隸保定府知府

誥授中憲大夫祖懋庵公諱維寧廕生福建福寧州知州

誥授奉直大夫

晉贈資政大夫工部侍郎父佑梔公諱湮於書無所不讀尤長于詩質直好義守困蓄德一郡咸稱長者受府君

封將樂縣知縣母

封太孺人趙氏順治辛丑進士禮部郎中趙公諱燧冕
女容貌端莊笑言不苟和平溫厚治家能持大體遇
事明決有丈夫風生三子長卽府君也府君素少嗜
好寡言語不飲酒一切博奕遊戲之事未嘗一寓于
目有以非意加之者處之泰然不以一言較臧否讀
書目數行下一再過輒成誦然講明切究非百十過
不釋手晚尤好學不倦手輒一編舉少所誦說者訓
示後生參互錯綜無一字遺悞好言詩工尺牘凡諸
子百家以至星醫釋道諸書無不了了年十二應郡

邑試必冠其曹至歲始以府取第一補博士弟子員試棘闈得而復失者再誤點句讀斥爲生拗則某科也引用禮記抹爲奇僻則某科也某歲北上應京兆試時從祖補亭公點房考例子迴避卷不閱前後五上北闈不獲一第蓋亦有異數焉歲曾叔祖文恪公保舉

引見一等分發戶部以主事銜學習行走尋奉

命赴陝宣諭化導寒暑無間八閱月而事始竣留陝以知縣用值文恪公奉

命總制陝甘題留署內辦理一切軍需事務會準噶爾

蠢動軍事倥偬府君規畫建白井如也文恪公常云
此翰苑奇才真不負吾之薦舉矣三載期滿送部帶
領

引見乙卯

授福建將樂縣令將樂四山僻瘠而劫素稱難治府君
下車未幾卽頌聲載道樂民如獲慈父母焉同官或
希上游意旨報墾田地盈千纍百實于熟田加賦而
已府君獨無一畝詳報羽書切責不爲之動邑之崇
業寺有奸僧某者擁厚貲積肥產以爭水故喝令毆
斃鄰佃賄囑積匪張連生挺身認罪諱故殺而爲誤

傷百計鑽營而府君若罔聞也其他如黃嘉謀之見
誣於讐口熊次儒之受制於悍妻多所平反獄無冤
民一切善政不可枚舉是年秋閩縣缺出例應揀調
制府郝公撫軍盧公以省會首邑民疲事繁非精幹
之員未易辦理丙辰六月調任閩縣樂民攀轅卧轍
哭而送者百千人旋置長生位於龜山之麓並前令
某某爲四賢祠至今香火不絕七月抵閩縣任視事
數日發審德化縣疑獄此案已懸二載承審官歷十
餘人未經斷結府君不終日而得其情德化令王公
賴免參處通省以爲神明嗣後督撫司府發審之事

十得七八無枉無縱咸稱鐵讞而本邑政務殷繁自
黎明至漏三下不休或竟夕不寐卽一飯亦必數興
而精神自此少衰矣顧事無巨細皆出自心裁從不
假手他人 歲中秋夜颶風歘發人畜田廬損傷
無數同時被災者四府二十餘縣蒙

恩賑濟而閩邑濱山沿海蔀屋不易周知府君躬親訪
察雖窮鄉僻壤老幼殘弱無不均沐

皇仁較他邑爲最也尤慎重人命審斷一出至公有以
草置酒脯毒人人立死其俗往往以此誣人府君爲
置藥鉞以驗真僞懲健訟者以罪其風乃息邑有何

生者鹽綱中巨商也坐科場舞弊事拖累繫獄上官有銜何生不通賄囑府君欲中以法置之死地府君堅持不可獲免一日持兼金百兩爲壽某幕友謂府君曰是非有挾而求受之無傷卽不然坐公堂而卻之可以得美名府君曰嘻是何言歟吾不能不來暮夜之餽必有未孚于民者在也抱愧且深又可彰人之過而立己之名耶堅拒之而已又阮貴者積棍也竊案累累婦女受其淫污者無算厯任雖心惡之終以無死罪姑繫于獄乘五月十三夜祀關聖鈴號少疎越牢潛逃上屋飛走城內兵弁莫敢措手府君令

施放火器隨驚墮下執之立斃杖下人人稱快凡屬
土豪及一切酬博棍徒得則必盡於法一時奸宄莫
不帖懾遠颺委署理事同知歷一載餘旗人向之稱
桀驚者亦皆俯首聽命一時考績以府君爲最時
簡親王爲制軍欲以福府倅薦擢

奏牘完繕會先大母不服水土先是一年回里調理未
痊訃至不果行士民謳思勿置至撫轅遞呈留借奉
批劉令慈祥愷悌足留去後之思但士民率遞公呈
非今功令所宜爾等各歸安業可也衆不獲已涕泗
號泣肖像祀于本城之烏石山如將樂焉

歲服

闕赴補奉

旨發往福建以知縣委用某月題署南平縣縣附府當
全省水陸之衝原設有三浮橋以濟往來人民年久
傾圮殆盡每當春夏之交溪流泛漲舟渡恆有覆溺
之虞府君捐俸葺治翼以木欄鑱以鐵絙始得堅固
至今行旅賴之建溪之險惡以黥淡灘爲最怪石嶙
峴高下數丈行舟必以箬簾覆船頭隨其勢之屈曲
而行稍或有悞立成齧粉府君爲之募夫開鑿石之
大者移置石之小者又築平緯路里許其險可去十
之四五他如茶陽箭孔等灘亦用此法其勢頓殺上

下舟子感頌如出一口云司獄鮑君者素以廉聲著
卒于官府君哭之慟割半年俸以賻又樹營室于各
城門之競以安鰥獨至老疾不能自爨者始歸養濟
院而以時養之大凡政之有利弊者必盡力興剔而
訟獄則先教後懲民亦久而益信或有爲不善于家
者父兄輒相戒曰吾劉公無乃聞之其爲民所欽服
如此時馬制府每更革一事必使人密覘南平如何
辦理或行或止他邑視之我府君仁善之風惠及閭
閻者豈止叢爾一方哉制府又嘗出巡浙江同列五
人迎謁俱諭以廉慎兩字獨至府君則慰之曰君昔

有還金之美故不復以此相誠也蓋府君當在西安時與曾叔祖垂旃公同寓見有遺橐數百金躡而歸之其人泣謝而去于茲二十餘年矣其人卽制府之同里時適在制府幕中故詳悉知之然府君聞言益悚勵勤慎是時先王父年七十八歲痰疾勿瘳府君內侍湯藥外理政務形神憔悴至二月初八日王父捐館舍府君哀毀骨立幾不欲生殯殮之外囊無餘資眷屬三十餘人舁櫬歸里之費毫無所出不得已挪貸數十金先命不孝扶紀隨叔父扶匱回常會延平舊有道南書院自明迄今頽廢不舉邑紳士捐資

葺理于茲落成謀所以師之者而甚難其人告諸當事以爲莫如劉公府君始固力辭繼乃勉強就席一切條約悉照鼇封書院規例進謁者與之闡心性談經濟砥勵實學一時名流爭趨就業遠近聞風景慕以不出府君門下爲愧及門如危履亨謝醕等俱先後登賢書迄今猶傳頌勿衰云 歲 月始得挈眷就道 歲服闋 月赴部候補 月挑選

引見奉

命發往四川以知縣委用川省正當金川逆命之際到省卽署布政司經歷凡督修棧道稽查塘務發放軍

餉支給差使府君莫不處置盡善嗣委署瀘州直隸州知州履任之日見有馬匹船隻充塞道路河港間卽詢諸經承據云向例在此聽差一切費用百姓自備府君聞之瞿然曰二千里外大金川用兵而此處有聽差船馬此若輩巧立名目爲苛索地耳勒將此例送閱經承語塞痛責逐之將馬匹船隻刻卽放還凡有需用現價雇備歡聲騰於城野又一日衆甲長詣州聲喏府君曰吾在閩卽聞蜀多光棍俗名嚙嚙子或白晝劫奪或黑夜擄掠酗酒奸淫無所不爲今何以無有皆應聲曰他處極盛瀘屬則少問其所以

少之故又云凡有挈獲不論竊盜多寡傷人與否必
鳴鑼遠近少長畢集各持束薪盃油根尋咽嚙親丁
自行舉火頃刻煨燼不報不驗因是不敢肆虐于此
府君曰何其酷哉責令甲長有則必先飛稟後數日
果有盜鴨禾田者爲鄉人所獲喚其父至將舉火府
君單騎馳往鄉人環繞案前皆請燒之府君曰無庸
殺人者死律有明條如不得已必得主謀燒其父者
同投焰中而後可鄉人卒無以應府君將贓物給還
失主責竊賊如其罪而釋之但令嚴行保甲終瀘任
不聞有所爲咽嚙也瀘俗質樸士子多好學地有寶

山書院乏膏火資府君爲之捐俸延請原任納溪長
越漁儲公掌教焉儲公固江左名宿也一時士習大
振文風丕變其初一州三縣甲第寥寥年來獲雋者
蟬聯不絕至今瀘之紳士咸謂非府君之力不及此
又質庫有敝衣不售府君爲售薄價而收之盡歸養
濟院有餘衣則給獄囚之裸體者曰藉令彼當死法
死耳吾不忍其生凍餒也某月題授成都縣知縣解
任之日百姓扶老攜幼燈綵香花數十里不絕後任
安公見而歎曰易稱觀其所感而天地萬物之情可
見吾于劉公益信矣蒞成都任值大軍凱旋差務絡

繹事如蝟集府君寢食不暇者旬餘驅馳棧道精力大損至是積勞累日忽得中風之症不能視事又二十日因福建造冊事部議革職奉

旨該督撫出具考語送部

引見文書到川時有同列妒府君而進讒言于上官者上官亦以府君不修餽爲恨竟注下等考語送部至病痊進都

引見幸

皇上聖明以到任未久事屬因公

特旨以縣丞用某月補授福建太湖縣縣丞某月到任

某月委署連江縣知縣某月隨挖道臺赴臺灣審理
番案卽在道署辦事臺地孤懸海外民番雜處民黠
番愚相戕相殺之事歲所常有至乾隆十數年內凹
莊柳樹浦兵民被害殺焚二十九命督提震恐特委
大員督審速得真兇結案先是彰化令程拘集附近
番人數百反覆審訊絕無蹤跡嗣委臺灣魯令鳳山
吳令會審三十七堂益無頭緒至委府君署臺灣縣
兼理鹿耳門同知事奉檄承審府君謂非親至其地
詳悉體訪難成信讞隨冒暑塗行察看往來情形所
經皆羊腸鳥道陡山峻嶺有竹木蓊翳不見天日之

處凡數十里前後十有餘日盡悉其熟番挾嫌勾出生番慘殺焚屍細情返郡一訊而服首從計七八三甲大霞等抵罪餘一無所問署府王意以府君過于從寬密給幹役王泰番銀百元通同彰役謝昇尋覓被殺頭顱豈一役貪賞畏責私自發掘舊塚頭顱三顆抵數署府王不加詳察執定全係北投社熟番戕害並無勾生情跡嚴刑酷拷誣服斬絞罪者四十八人時府君已于某月題投彰化知縣抵任矣赴府竭力辨雪府尊執意不聽知必不可挽遂通稟上憲赴省親質府君過洋風濤大作海航幾至敗裂及到省

會同兩府四縣于臬司大堂細加研鞫果如原擬完
結而守兵被殺事同叛逆審限極其促迫後日府君
竟坐遲延部議矣某月返彰化署某月颶颶驟至揚
沙拔木屋瓦爭飛風雨中流火條條竟夜燭天擊碎
船隻殆盡損傷田廬無算臺地大饑府君辦賑之法
一視閩縣老幼賴以存濟某月委署淡水同知事所
轄海口多有內地偷渡過臺男婦汎兵挈獲地方官
立卽遞回原籍府君曰今天下車書一統隸版圖者
誰非赤子其忍離背鄉井而飄流至此困苦必更倍
于土著窮民吾將撫綏之不暇奚以逐爲急處置安

插量給口糧歲所存活數百人彰邑爲臺灣極偏僻地民俗刁悍從前守令每謂上司耳目不及飲酒自娛自府君履任後屏絕宴會悉心籌辦政務學校農桑水利保甲等事次第舉行上憲之出巡於北路者莫不嘖嘖稱賞歎爲賢有司也大凡府君所至之處皆仁心柔之我哺我衽不以屬鞭箠勤恤其父兄而誨其子弟下民無不感化皆由以實心實學行實政耳非素有抱負其能如是乎 之秋承審遲延奉旨引見文書到彰旋卽離任交代之外宦橐蕭然士民餽餉卻之不受幾至逗留海外賴海外僚友贖贈回

里歸來囊中惟有圖書數篋此外無長物食貧自守
時或不謀朝夕自奉極儉約不爲家人生產計宦遊
三十年清操如一日迄今未嘗有負郭田一畝可以
給饗殮者或以爲言府君曰吾以清白貽子孫足矣
卽釜底生塵非所計也他若先王父王母一切奉養
喪葬之費無不盡力措辦積有公負府君獨償之兄
弟怡怡族黨稱爲孝友親好中子弟有爭競者爲之
解紛或力不能婚葬者爲之設法資助蓋府君之樂
于爲善直如飲食嗜好所性然也少暇博覽古書著
有經史辯論離騷註解文選臆評若干卷詩經文若

千首藏于家又紉佩釀密二集甫脫稿爲人持去府君容貌魁岸議論卓犖精神強健有少壯所不能及者戊寅秋不孝扶紀奉命入都每接家言俱云矍鑠意甚欣慰不料十一月十五日偶冒微寒未刻中風復發一蹶不起臨終猶以君親未報爲念語畢正襟危坐而逝嗚呼不孝扶紀遠在數千里外生不及奉湯藥沒不及視含殮抱恨終天呼搶何及可勝痛哉至于先妣之芳型淑範族黨所共知是宜與府君並勒貞珉以垂不朽者先妣孺人岳系出名族同邑順治辛丑進士湖廣督學僉事岳公諱宏譽女孫國學

生考授州同知文且公女賦性慈祥持家勤儉年二十歸于劉衣必親澣濯食不棄粗糲雖體素羸弱未嘗因藥裹關心稍自暇逸府君少時涉獵經史專攻舉業每一燈熒熒或夜分或達曙嘗與孺人相對歛獻泣數行下甚至分女紅獲微貲以供膏火後府君遣館燕晉仰事俯育館穀多不給而先妣齋淡自守絕無憂戚之容三女一子無力雇乳母皆自乳辛苦備嘗而德性和平敦厚有言語相忤者亦勿之校處妯娌有顏柳風撫僕婢嚴而有體事先王母最爲孝謹問安視膳早晚必親承之先王父患疾時竭誠籲

禱躬侍湯藥未嘗稍懈先王父王母念之不置稱孝婦焉人知府君之津津好義濟人利物本之天性而不知我先妣存心慈厚其默全內助者有由來也已卯正月不孝扶紀匍匐歸里見孺人顏色衰悴竊念慘遭府君大故過于哀痛所致進以參苓自能復舊不意四月中忽得膈噎之症間日而發八月十四日爲先孺人七十大慶尙能起坐留賓九月轉劇日甚一日百藥罔效延至庚辰正月二十日卽自知不起握不孝扶紀手詳諭立身持家之道二月初八日辰刻沐浴更衣拱手默頌梵咒竟日不語戌時合掌而

西
營
上
家
誦
卷
一
三
三

瞑面容如生嗚呼痛哉不孝疊罹大故瞽亂昏迷悠
悠蒼天曷其有極不孝誠爲天地之罪人矣尙何言
哉尙何言哉府君生于康熙庚午三月二十五日
時卒于乾隆戊寅十月十五日 時享年六十九歲
恭遇

覃恩

勅授文林郎福建彰化縣知縣孺人生于康熙庚午八
月十四日卒于乾隆庚辰二月初八日戌時享年七
十一歲恭遇

覃恩

勅封孺人子一卽不孝扶紀國學生娶德清戚氏康熙
己丑進士翰林院侍講學士諱麟祥公女孫雍正庚
戌進士福建連江縣知縣諱崧言公女女四長適太
學生陸繩中次適考投從九品朱琳次適邑庠生徐
綱俱孺人出次幼未字庶俞氏出孫女一適德清縣
庠生蔡重光不孝扶紀草土餘生淚盡繼血肝崩手
慄追念先府君先孺人生平梗概語多挂漏失次伏
懇大人先生憫其衷悃錫以誌銘傳記永光泉壤不
孝扶紀感且不朽

賜進士出身文林郎湖南永州府零陵縣知縣前任湖

北利川羅田縣知縣充庚午科湖北鄉試同考官年
家眷姻世姪莊熊芝頓首拜填諱

不孝扶紀泣血謹述

[Faint bleed-through text from the reverse side of the page, including characters like '世', '諱', '人', '一', '伯', '不', '可', '拜', '諱', '國', '舉', '坐', '雲', '滿', '皆', '飄', '刃', '環', '淵']

皇清誥封朝議大夫詹事府左春坊左庶子例封資政
大夫工部左侍郎顯祖考朗齋府君行述

嗚呼痛哉府君竟棄不孝承重孫謹之等而長逝耶
不孝謹之自壬辰失怙神魂潰越無復生理猶幸上
有大父年踰耄耋神明不衰方謂期頤可望擬于服
闋後陳情乞養晨夕承歡以終先大夫未竟之志孰
意甫屆太祥又罹大故孽深罪重疊降閔凶至于斯
極痛何忍言顧念府君生平嘉言懿行有不容湮沒
者用敢瀝血和墨詮次一二以備當代大人先生採
擇焉府君姓劉氏諱樞字中孚號朗齋先世系出鳳

西營錄 卷一
陽自恪公公諱真於元至正中始遷居常郡之西營
里高祖諱光斗明天啟乙丑進士廣西道監察御史
會祖諱履旋

皇朝順治丁亥進士歷瓊州保定知府祖諱維烈順治
戊戌進士歷官工部屯田司郎中祖妣吳恭人考諱
涇邑增廣生以先大夫貴

贈朝議大夫左春坊左庶子例贈資政大夫工部左
侍郎妣孫氏

贈恭人例贈夫人子三府君其季也府君生而穎異
甫就傅日盡書數十行旣舞勺盡通諸經大義旁涉

史漢諸子康熙己丑祖妣孫太夫人來歸未及三載
遭疾卒癸巳祖妣史太夫人來歸寒家自先高祖毅
菴公官工曹身後不名一錢且多負累先曾祖士貞
公變產以償家益落僅餘負郭田數十畝不足以供
饋粥又兩伯祖相繼逝搢撐門戶惟府君一人益大
困遂棄舉子業與先祖妣史太夫人勵志拮据稍復
先疇晨餐夕膳盡潔白之養及先後遭先曾祖妣先
曾祖之喪府君哀毀骨立一切含殮窀穸之費獨身
仔肩事事盡禮歲戊戌先大夫生生數歲卽嶄然見
頭角七歲經書成誦先是先高祖毅菴公會夢玉樹

生階下府君默定先大夫克符前兆竭力延名師勤
訓教以冀有成史太夫人治家嚴整有法勤操作未
明卽起一切糝醢滫瀡之事無不躬親暇卽治機絞
每燈下斷布一疋易錢以供脩脯而身與府君甘龕
糲數米以爨不足則雜糠粃爲餅遇歲歉或旬日舖
糜也府君既有史太夫人以爲內助或授徒村塾或
從田父課耕蓋自壯至老三十餘年窮約困頓人所
難堪而府君固安之有素也雍正甲辰胞叔繼留生
後出嗣從叔祖傅舟公乾隆甲子先大夫舉順天鄉
試戊辰成進士

殿試第二甲第一名
賜進士出身

欽點翰林院庶吉士府君未嘗色喜貽書相戒皆檢身
奉職語己已先大夫請假旋里爲府君稱六麥觴庚
午假滿赴都辛未散館授職編修壬申
恩科充順天鄉會試同考官是歲府君命先妣余夫人
挈不孝等至京癸酉先妣余夫人以疾卒於京邸府
君念不孝等之幼而失恃也甲戌三月遂買小舟至
京是秋先大夫充河南鄉試正考官復
命陞侍講七月奉

命提督廣東學政府君挈眷口歸里乙亥就養廣東使署丙子先祖妣史太夫人卒於任所先大夫扶櫬旋里戊寅冬卜葬于江村府君命營壽壙於中己卯先大夫服闋補原官九月不孝謹之舉順天鄉試先大夫再奉

命提督安徽學政請假為府君稱七袞觴即迎署侍養壬午

聖駕南巡府君迎

駕淮壩進獻詩冊蒙

恩賜緞二端九月先大夫視學報滿進京復

命府君復挈眷口歸常自後遂里居不出甲申先大夫
奉

旨在上書房行走乙酉正月蒙
恩陞內閣學士兼禮部侍郎是年恭遇

聖駕南巡府君迎

駕於揚州蒙

天語垂問

賜緞三端次第種之應

召試

欽取一等十一名

特賜舉人內閣中書九月先大夫蒙

恩陞授禮部右侍郎丙戌三月府君命先繼妣趙夫人
挈兩孫婦赴京四月次第種之會試中式

殿試第二甲第二名

欽點翰林院庶吉士五月不孝謹之由內閣中書選入
軍機處行走十月先大夫蒙

恩調補工部右侍郎府君念三世承

國厚恩有逾涯分郵信相戒深以盛滿爲懼而先大夫
又以府君年近八旬望雲馳戀意欲陳情歸養府君
手書戒先大夫曰汝驟膺

疊擢兼日侍

皇子課讀方蘄涓塵報效忘私忘家之誼謂何老人幸
疆健姑徐之勿以爲念戊子先大夫奉

命充江西鄉試正考官請

訓時奏懇試畢道便省親得

旨報可十月旋里比臨辭日復申前說府君諭曰余體
尙康強汝當恪盡乃職毋遽作歸侍念且閱歲庚寅
辛卯

國慶臻至在籍諸薦紳猶連臚接軫咸抃蹈赴

闕下汝乃預籌束裝計乎先大夫遂哽咽囁嚅以出孰

西晉書上卷
卷二
知此出門之辰卽爲先大夫永永違侍之日耶己丑
次弟種之散館

欽定清書一 等 一 名 授 職 編 修 十 一 月 爲 府 君 八 十 誕
辰 宗 黨 相 於 讌 集 庚 寅 九 月 先 大 夫 中 寒 語 蹇 頗 類
風 症 給 假 調 治 而 先 繼 妣 趙 夫 人 以 十 二 月 感 痰 湧
暴 卒 先 大 夫 以 爲 病 亡 惡 耗 恐 府 君 聞 之 重 愴 老 懷
戒 不 孝 等 匿 不 以 言 洎 辛 卯 春 先 大 夫 病 稍 愈 入 秋
復 發 勢 轉 劇 纏 綿 委 頓 至 壬 辰 正 月 卒 不 起 府 君 聞
之 悲 慟 彌 甚 十 一 月 不 孝 等 扶 先 大 夫 靈 櫬 旋 里 泣
拜 府 君 於 堂 時 不 孝 等 違 離 膝 下 已 閱 十 載 見 府 君

精神猶昔步履康強私心竊喜然日侍起居府君雖強自抑割不爲無益之悲終邑邑不自得每侍府君飯不過一器又屢噎不能竟食心竊憂之而府君治家事鉅細必親尙如故不孝等屢以爲言府君輒曰吾樂此不覺其憊也癸巳十月不孝等卜兆翟塋葬先大夫及先妣余夫人趙夫人謁蹶襄事府君頗以爲慰十二月府君偶感寒調治數日病良已然飲食愈減元氣日以衰弱自此遂卧牀不起不孝等以參餌進輒揮去不服曰存順沒寧吾久厭牀褥恨不能撒手便行胡留滯爲也迄甲午元旦猶晨起盥洗如

常至二十二日辰刻微覺痰喘氣逆不孝等惶遽哀
號已溘然化已神理清明語不及亂嗚呼痛哉府君
和平仁恕樂善不倦遇凶歲嘗煑粥以活饑人其他
施棉給樁諸事力所能爲者輒以身先之親族中有
孤寡孱弱者多方周恤始終弗替或以緩急告靡勿
與與不責其必償也與人交口不及雌黃胸不設畛
域坦坦落落而以善氣佐之里居十餘載絕不干當
事以私惟事關地方利弊則建白行之江陰有夏港
爲通江支河芙蓉圩馬家圩積水藉以瀦洩旱潦無
虞向例上五堡與下五堡居民分年挑浚嗣緣兩堡

結訟遂築壩絕流由是兩圩田畝頻受水災收成歉
薄府君憂之力言于郡侯及方伯胡公河始復舊至
今鄉民利賴咸頌府君德臨財必以義嘗曰與其過
取何如儉用私錢出入無錙釐妄費審緩急後先以
分薄厚人咸服府君治家之有法性不喜爲華飾一
裘至數十年先大夫常製鮮衣郵寄輒笥而藏之非
有事不御坐無重茵食無兼味每戒不孝等曰惟儉
養廉惟勤補拙先賢良訓汝曹謹誌弗忘閒居則手
一編展閱或雜植花藥以自娛遇田夫野老與絮語
舊事問晴雨土宜終日忘倦己丑夏所居宅不戒于

火泊然無悵色居恆祥順坦易卽下逮臧獲檢束甚嚴而叱咤詬厲之聲罕及但訓勉之而已嗚呼府君生當家計就艱之時俯仰支持自中年已心力凋瘁幸而舊業稍振會先大夫通籍得沾祿養以樂天年使長此杖履承歡卽期頤可冀而不孝等孽深速咎天奪其怙致高年增晚景之悲此則拊心自維無以自比於人者也嗚呼痛哉府君生於康熙二十九年十一月二十五日辰時卒於乾隆三十九年正月二十二日巳時享年八十有五歲兩遇

覃恩

誥封朝議大夫詹事府左春坊左庶子例封資政大夫
工部左侍郎顯祖妣孫太夫人翰林院編修諱自式
公孫女太學生春海公女史太夫人太學生幼白公
女俱

誥贈恭入例贈夫入子二長先大夫星煒乾隆甲子科
舉人戊辰科進士由翰林厯官工部左侍郎入直

內廷

誥授資政大夫先府君二年卒配余氏候補訓導崑巖
公女繼趙氏戶部尙書恭毅公會孫女翰林院侍讀
裘萼公孫女兩浙鹽驛道賡西公女俱

誥贈夫人次胞叔繼留太學生出嗣從叔祖傅舟公配

吳氏

誥封朝議大夫刑部福建司郎中諱玠公女女三人長

適癸酉科五經副榜例授直隸州分州例封文林郎

候選知縣吳廷藻次適邑庠生管承立三適前殿撰

閣學先賢陳諱祖仁公奉祀文孫時修孫男七人長

不孝承重孫謹之乾隆己卯科舉人內閣中書軍機

處行走充

方畧館提調官娶湯氏翰林院編修前內閣侍讀學士

八直

內廷萼南公女種之乾隆乙酉科

南巡

召試一等

特賜舉人內閣中書丙戌科進士翰林院編修充

方畧館纂修官娶陳氏卽姑丈名時修公女繼娶史氏

太傅文淵閣大學士文靖公孫女三品卿銜前兵部

左侍郎吉甫公女理之太學生聘梁氏戊辰科一甲

一名進士軍機大臣戶部左侍郎瑤峯公長女俱先

大夫出塹之太學生聘吳氏乙酉科舉人候選知縣

名熊公女埴之聘王氏乾隆丁巳科進士江西宜黃

縣知縣藝山公女均之培之俱幼胞叔繼留出孫女
八人先大夫出者五胞叔出者三一適雲南按察使
張諱坦熊公孫福建福州府同知名芸公子承濟一
適淮徐海道趙諱錫禮公孫候補鹽大使名瑗公子
太學生任江一字江西按察使莊諱令翼公曾孫己
酉科舉人東安縣知縣諱棨徵公孫太學生名綬衡
公長子復旦一字候補員外郎桐城方諱觀本公次
子其昀一字辛未科翰林現任安徽鳳陽府知府狄
名咏簾公子夢曾餘幼未字曾孫女一人種之出字
直隸通州知州候選知府龍名舜琴公子驥不孝等

草土荒迷語無倫次伏望當代有道能文鉅公錫以
銘誅用光泉壤俾不孝等垂諸家乘世世子孫感且
不朽

不孝承重孫謹之泣血稽顙

謹述

降服子繼留技淚稽首

賜進士出身

誥授光祿大夫太子少保協辦大學士吏部尙書

國史館

三通館

四庫館副總裁官加三級愚表弟程景伊頓首拜填諱

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------	------------	------------

皇清勅授修職郎江蘇松江府華亭縣教諭
誥封奉直大夫翰林院編修加三級顯考杲谿府君行述
嗚呼痛哉不孝等何忍援筆述吾府君之言行哉府
君質純厚年七十神明內蘊不衰去冬自華亭歸里
門不孝等方幸田園樂志足慰暮年菽水盡歡克供
子職天之畀我府君與府君之芘怙不孝福均未艾
也何圖不弔降此鞠凶不孝汝器汝器生無以盡頤
養歿不獲視飯含不孝汝獲汝錫奉侍無狀竟罹大
故神魂飛越五內崩摧泣血椎心萬死難贖尙何言
歟尙何言歟第念府君一生立身行己學問文章可

方古人可垂來世不孝等旣迷瞶罔措不足闡揚府君名德萬一庶邀惠於當代立言之君子有所採擇傳示不朽用敢偷息聖廬濡淚和墨呈其梗概焉府君姓劉氏諱寅賓字暘谷一字東沼號杲谿先世居鳳陽前明洪武初恪公公諱真以軍功起家官遊擊從信國公湯和下常州駐守西營遂爲西營里劉氏之始祖八傳至六世祖簡菴公諱啟美邑庠生耆年宿學累舉鄉飲大賓九傳五世祖依思公諱漢卿由順治己丑進士官鉛山褒城知縣有政聲祀兩邑名宦高祖祀園公諱一夔以明經貢成均早卒自簡菴

公至岷園公三世俱以曾王父貴

誥贈光祿大夫吏部尙書妣皆一品太夫人曾王父蔚

岡公諱於義由康熙壬辰進士入翰林歷官吏部尙

書協辦大學士

誥授光祿大夫

賜諡文恪曾王妣管

累封夫人晉贈一品夫人生王父補亭公諱復及叔祖

絜亭公諱益王父由雍正丁未進士入翰林歷官浙

江布政使司參議通省督糧道

誥授朝議大夫王妣陳

誥封恭人是生府君一人府君幼端敏王父鍾愛之五
歲親授章句能成誦語以大義若甚了了者稍長試
爲文揮灑立就具有家法後受業於宗丞任鈞臺先
生門留意經術於舉子業益深邃時府君外祖秋田
陳公由邑令改翰林具人倫鑑見府君器宇深愛之
索所作文每篇竟輒擊節不置以爲得先輩法程真
吾家宅相也壬子娶吾母余宜人癸丑從王父之任
嘉禾廨舍湫隘王父構書室三椽額曰雙清命府君
下帷其中定省之餘鍵戶吟誦書室外無所關涉府
君終鮮兄弟惟胞妹一人許字姑丈吳公諱祖修時

姑丈以少年捷南宮登詞館就姻官署王父每乎治
官書暇率課詩文一二首命府君與姑丈繼作姑丈
天才逸特攬筆便成及出府君作音節淵雅章妥句
適輒歎爲不如乙卯丙辰連踏省門不第丁巳夏五
月先王父疾終杭州之官署府君晝夜哀號水漿不
入口者數日僚友生徒來唁見府君毀瘠不勝衣咸
爲隕涕卽日奉太恭人扶柩歸于常州之里第戊午
曾王父以甘肅軍需事件罣誤革職府君奉太恭人
命馳赴蘭州省視曾王父悲喜交集留住一榻出白
香山詩一帙命府君手自抄曰熟此可以泯升沉輕

西華堂上集言 卷一
得失也旋諭府君歸曰汝母寡而弱此間事無能著
力且終白毋憂後二年卒蒙

賜環壬戌由直藩擢閩撫順道里門太恭人率府君爲
曾王父鞠脰上壽里中戚屬賀晝錦榮作數日歡府
君隨曾王父之閩有閩中紀遊草六卷癸亥曾王父
晉冢宰

特恩予蔭員外郎一人府君係冢孫例可承蔭辭以讓
叔祖絜亭公曰叔嫻於治材是誠所宜且先人在時
期望一第甚切此志不完恐終無仰對也會王父笑
頷之遂以叔祖名請補後絜亭公官至四川方伯

陸見時

上猶詢及文恪後幾何人叔祖舉府君名對
上有何不出來做官之語洵異數也甲子府君中式本
省鄉試座師爲禮部右侍郎東昌鄧公內閣學士新
建葉公房師爲沭陽令錢塘袁公會王父聞捷音喜
甚曰有志者事竟成命卽治裝北行乙丑入禮闈緣
呈薦較後中額已溢報罷旋歸太恭人爲府君築樹
護書屋仍諭府君肄業其間府君因繪樹護書舍圖
攜至京師多名公鉅卿題咏以爲勝潘岳閒居一賦
云戊辰春三月丁會王父承重憂府君擗踊襄事盡

西堂書目家言
卷一
哀盡禮秋間隨叔祖絜亭公奉靈櫬南回時太恭人
在籍聞訃旋以憂毀勞瘁卧瘵不起比府君到常已
病深三月矣生機不絕纔一縷府君竭力延訪國醫
比至診視則謝無可療治者府君恚甚每日黎明爇
香於庭以哀籲天願身代後太恭人卒獲瘳己巳冬
奉曾王父柩於青山莊之

賜

塋越日奉先王父柩於北莊之新阡府君兩地躬先
畚鍤封樹如儀華表豐碑兀煥道左四方來觀者咸
歎府君能克盡大事無留餘憾也自曾王父之喪之
歸也家中食指盈二千餘故居立本堂旁舍逼仄不

能容及舉襄竣府君奉太恭人命與絜亭公析居庚
午春遷無錫之錦樹里先曾王父撫閩時過梁溪喜
其山水清佳擬卜宅爲歸休計因得里之大樹園府
君旣奉太恭人居之爰顏其堂曰遺愛承先志也繞
屋園林數畝樹之大者可十圍水石間具有營邱北
苑畫法云係華亭張然所造亦寄暢園之亞也太恭
人自戊辰病後雖愈不能健步履府君每於良辰佳
景奉板輿供陟覽太恭人倦遊則水榭風軒隨意憩
納府君親擷園蔬釣池鯉以佐芳旨或命不孝等誦
熟書於太恭人側瀉水翻瀾珠鏘玉戛太恭人歡甚

四書章句上卷一
時加一餐由是宿疴漸平善壬申

恩科春鄉秋會太恭人命府君再赴春官府君不欲屢
促之然後發屆試期值迴避免府君方切徬徨間忽
心動恐太恭人之重有不虞也星馳而歸比至則太
恭人已于前三日捐閣矣始太恭人病時不欲寄信
府君恐妨闡務及病危知有迴避信遺命必待五日
後方闔棺至是府君歸剛屆第四日啟衾慟哭絕而
後甦始克大殮成禮癸酉秋乃奉王妣柩於先王父
新阡合葬焉府君自先王妣之亡讀禮閉門絕意仕
進時不孝等年漸長學爲文不中繩墨府君博選名

家文三百篇作矩則又雜選周秦漢魏六朝文相間
習讀挑燈坐課必至四鼓乃攜不孝等入內寢寒暑
以爲常丙子率不孝汝器汝暮觀光南省府君見獵
心喜曰吾努力尙堪一試也丁丑入闈竣第一場意
甚得出稿示同寓生曰似此何如鄧定宇陶石簣會
元文字乎丹陽彭晉涵先生以時文雄視江左從不
肯下人見府君闡藝袖己作不出手曰吾不及劉公
遠矣會二場新例初改試帖府君以未嘗學習不敢
塗抹塞責遂自歸也後十餘年向平之累接踵相逼
比婚嫁粗了府君心力亦用是交瘁矣甲午不孝汝

暮舉于南省府君乃一蹶然曰是可喜也先是不孝
汝暮生母沈宜人卒于丙寅春太恭人命葬之府君
曰渠自有子苟厝諸寺俟其子能樹立俾返葬其親
不猶愈乎府君意蓋望不孝成名以安窀穸非一日
矣至是聞捷則喜可知仍切諭連步上進勿宜稍懈
丁酉春吾母余宜人卒府君哀悼不忘念自宜人年
二十一歸府君相莊四十六載府君砥志經帷不習
問家人生計宜人勤襄內政亦未嘗舉米鹽凌雜事
相聞至是府君失內助中夜歎興又前兩年疊遭期
功喪暮景將至鬢髮皓白思作名山五嶽遊會辛卯

年截取甲子科府君往蘇察看一等嗣因赴部投牒
願改銓教職己亥春選授華亭缺府君自言此職與
拙相便又吳淞煙水距梁溪纔數舍耳遂于中秋後
挈不孝汝穫買舟就道至則老屋數椽僅蔽風雨府
君因出己資稍加修葺環堵蕭然晏如也諸生來謁
首以立品相勗次及文辭每月課卷必親爲評隲講
求其鄉先輩典型深以墮落時趨爲戒遇有佳卷輒
揄揚不絕口新生初隸黌宮具贄儀歲久沿習或斷
斷多寡府君听爾曰師道如此是爲叢毆雀審知其
爲寒士雖執贄弗受也府君之教士也寬與諸生語

如家人相慰勞以故多士樂就之華亭瀕海邊壬寅
夏猝遭颶風瓦屋俱揭墻柱欹倒府君謀於諸生鳩
工庀材踴躍恐後未踰月而齋舍一新庚子春不孝
汝暮成進士入翰林秋不孝汝器中式順天鄉試明
年孫嗣綰補博士弟子員俱在署報捷士林咸謂府
君讀書稽古之食報云府君積學儲才晚就一羶位
不副德每學使者按郡接待有加禮同列以齒望相
推在松五年念風土與故鄉不殊遂久而安焉去秋
計典將近自以年老例請休撫軍閱峙庭先生謂僚
屬曰劉君吾老同年今欲去計無有同年在江左同

事矣歔歔久之不孝汝獲汝錫在署拚擋粗畢謂自
今而往永無後憂可長奉色笑于林下也先是不孝
汝器在江右學使署中聞府君歸信甚確自浙東取
道至松省視府君命不孝先到家比府君歸已屆除
夕家人欣喜迎拜繞膝府君率不孝等展謁先像焚
黃畢爰酌屠蘇坐孫女幼孫於旁剝柑話離索曰吾
違故里光陰五年不意今夕重作團圓話也夢耶幻
耶新正猶攜兩孫撰杖屨探梅惠麓越信宿而返因
諭不孝汝器曰吾興致未減疇昔江右之行汝可仍
舊我健在無庸念也不孝私揣府君精力未憊遂無

遠慮跪辭之下惘惘而已嗚呼孰謂此卽與府君成
承訣之一日耶不孝汝暮自辛丑散館後乞假爲府
君稱七十觴府君馳諭止之諄諄以職思其居無負
國恩無忝祖德爲不孝訓勉至再遂不果歸今春元旦
恭遇

國慶覃恩私擬親捧

綸音卽可遵請終養旋於二月初旬

乾清宮考試翰詹奉

上諭記名應陞處提奏府君聞信寄字不孝曰汝受
深恩毫無報效比聞館務尙多未竣我又康強有汝兩

弟日夕左右林泉怡志歲月儘寬何必多汝一人相對乎書末附聯句云佳話五經聯藻榜

榮施七葉被

鸞章旁作小字注釋云自文恪以詩經領薦汝祖以易經領薦余以春秋領薦汝兄以書經獲薦汝以禮記獲薦一門之內剛得五經之譽又自先文恪至汝四世俱逮事

今皇上又自岷園公以上三世俱由

今上龍飛元年晉階一品封

主恩深渥從來未有卽求諸鄉邦顯達之家亦不易得

也不孝謹識之不敢忘迄今墨瀋猶新耳提難再追
惟深意竟以是爲勉勵不孝之遺訓也嗚呼痛哉府
君性慈祥而坦直與人交不妄言親朋來緩急者必
勉力解推以應或有以僞相售府君不之覺久則人
自愧慙曰我何以此術施於劉君哉後卒無忍欺之
者尤得力于晉人情恕理遣之談謂省事省言要訣
無逾於此生平未嘗以私干於人雖遇親知當道不
屑作輿援交無輿馬服玩之好無絲竹讌會之樂一
編不釋至老無倦容嘗歎宗支衰少具邇缺如每逢
春秋埽壟赴郡城子立尠儔輒增惋鬱絜亭公有子

一人戊子春歿於蜀中旅櫬歸府君泣然憫叔父之
無後也以不孝汝梅孫枝獨茂命爲之後絜亭公長
府君二歲幼同几席寢處必偕友于之愛不啻也自
丁丑赴川比壬辰回籍年俱杖鄉執手契濶彌形肫
摯家居不半載旋以事件株連倉皇就逮府君泣送
河千百里而返後聞病卒於川府君爲位而哭哀感
路旁迨靈輜過至急爲擇地以葬不封不樹不孝汝
梅無所依仰府君仍給田產使自贍前歲孫嗣璟無
以爲婚府君在華亭資助其成禮無歧視焉府君聞
善如不及啟廸後生尤孳孳不倦恆云人才亦何分

時代所貴有以作養之不則亦當獎借之而後乃能
成立也每遇一二振拔之士時未知名府君必力爲
揚譽後卒蜚聲騰實不脛而去近如吾黨洪君稚存
黃君仲則顧君立方呂君叔訥楊君蓉裳孫君淵如
皆府君所先爲拂拭者其才氣蹉跎不可一世見府
君則歛抑而不敢馳騁推服彌重輒曰真長固是第
一流耳簡齋袁太夫子嘗語人曰江南人才霞蔚雲
奮然未有不涉予之目與劉君之手遽詡爲名士者
予目力猶有到有不到至劉君手甄必所作置諸前
人集中無能辨然後錄入是難倖也喜抄書率常晨

起入小閣中茗椀爐香稍稍位置卽磨礮麩數合比
進膳時已滿千餘言矣吾母余宜人從容勸府君以
寧攝精神毋自苦爲府君笑曰吾自樂此不爲疲也
嘗舉王融自序語不孝等云余少好讀書老而彌篤
雖偶見瞥觀皆卽疏記後重省覽歡興逾深又張參
爲國子司業年老猶手寫九經謂讀書不如寫書皆
與吾意契合也計府君所手錄者自東周迄

本朝或專集或類選有屢書不一書約不下五百種壓
架等身每歲必高積尺許有盈無減好學者咸以是
爲難所著有尙綱軒文集遙質編大樹山房稿變貫

大全集三百卷藏于家府君氣體清明鮮嗜欲日食
不過合米數年來未嬰疾病今夏初偶患胸膈作酸
不孝汝獲意謂受寒所致調治漸愈每日仍抄閱詩
文自娛至六月初九午後吐瀉兼作不孝惶急延醫
診視云係老年胃衰隨進參桂峻補罔效易簣前數
日仍能飲粥半盂神氣清朗延至二十三日巳刻府
君知疾不可爲遽呼不孝汝獲汝錫曰汝等徒呈一
甌藥活我費且無益亟盡心大事去可矣諭諸孫來
榻前一一摩其頂曰各勉之延名師讀好書言訖長
逝時屋中聞有異香逾刻而散啟衾大殮色如生嗚

呼痛哉府君生于康熙五十二年癸巳八月十四日卯時卒于乾隆五十年乙巳六月二十三日午時享壽七十有三乾隆甲子科舉人

勅授修職郎江蘇松江府華亭縣教諭加二級

誥封奉直大夫翰林院編修加三級配吾母余宜人國學生考授州同知丹峯公女福建福州府同知蘭城公孫女

勅贈孺人

誥贈宜人庶母沈宜人

誥贈宜人俱先府君卒子五人長不孝汝器乾隆庚子

西營錄上家訓 卷一
舉人娶虞氏乾隆戊辰進士任順天府府尹錦亭公
女次不孝汝暮乾隆甲午舉人庚子

恩科進士

誥授奉直大夫翰林院編修充

內廷三通館纂修官

武英殿四庫全書館分校加三級紀錄四次娶王氏

誥贈宜人乾隆甲子舉人任湖北潛江縣知縣楚帆公

女繼邵氏

誥贈宜人國學生青田公女繼顧氏國學生貞明公女
次不孝汝梅國學生娶孫氏乾隆辛未進士任山東

泗水縣知縣雁峯公女出嗣叔父知柔公後次不孝
汝獲國學生娶余氏庠生奕山公女卽吾母余宜人
胞姪女次不孝汝錫國學生娶謝氏國學生浴儒公
女繼呂氏優貢生琢如公女女四人長適國學生鄒
鑑庠生遇王公子次適國學生謝理朝乾隆癸酉舉
人前任江西饒州府知府現任甘肅寧夏府通判問
蘿公子次適楊陞莢國學生蔚文公子次適國學生
徐日濳庠生繡斧公子孫男十人不孝汝器出者三
嗣綰邑庠生娶汪氏任浙江樂清縣縣丞蘋洲公女
嗣崇嗣徵未聘不孝汝驀出者一嗣富國學生候選

州同知娶李氏乾隆辛卯舉人任福建漳州府知府
經亭公女現任兩江總督雲巖公孫女不孝汝梅出
者四嗣璟娶薛氏乾隆壬午舉人任松江府清浦縣
教諭守約公女嗣晉嗣韓嗣范俱未聘不孝汝獲出
者一嗣沆聘陳氏國學生于岡公女不孝汝錫出者
一嗣袞未聘孫女六人不孝汝器出者一適國學生
虞書寶乾隆庚子

恩科進士任國子監助教潤軒公子不孝汝暮出者一
未字不孝汝梅出者一適國學生伍源不孝汝獲出
者二一適余培庠生汝舟公子一未字曾孫男五人

延朗延英延祐孫嗣富出延和孫嗣綰出延熙孫嗣
璟出俱幼未聘曾孫女二人嗣富出俱幼未字不孝
等苦塊餘生語無倫次伏冀大人先生俯垂鑒覽錫
之哀誅俾勒貞珉以光泉壤府君歿且不朽不孝等
世世子孫感亦不朽

不孝孤哀子

汝穫
汝器
汝梅
汝錫

泣血稽顙謹述

賜進士出身

誥授光祿大夫

經筵講官

南書房供奉軍機大臣戶部尚書

武英殿四庫全書館方畧館總裁官加六級通家眷世

弟富陽董誥頓首拜填諱

Vertical columns of faint text, likely bleed-through from the reverse side of the page.

皇清誥授光祿大夫
經筵講官太子太保文淵閣大學士兼工部尙書仍兼
管工部事務軍機大臣加贈太子太傅入祀賢良祠
賜諡文定顯考繩菴府君行述

嗚呼痛哉府君竟棄不孝圖南等而長逝耶府君自
丙辰官翰林戊午卽迎先王父母祿養京邸不孝等
隨侍子舍未嘗暫離由襁褓以至成童習見重闈稱
慶聚順一堂不識人世有死喪之戚越十四年而先
王父捐館舍又十四年而遭先王母之喪往來南北
者再泊丁亥府君服除補官時年未六旬神明不減

西營錄上卷一
名一
壯盛不孝等私心竊幸從此侍奉之日方長何天不
弔降此鞠凶今乃遽爲無父之人耶不孝等自惟子
職無狀何忍視息人間顧念府君以窮諸生遭遇

聖明服官垂四十年雖密勿

樞衡始終敬慎未嘗爲家人道不孝等無由縷述然嘉
言懿行在不孝等見聞所及實有不容泯沒者又竊
追憶府君居恆有言爲人子孫而私譽其親是謂誣
其親與毀親等不孝等用敢質言敬述梗槩伏冀太
人先生采擇焉府君諱綸字如叔號繩菴姓劉氏先
世原籍鳳陽自始祖恪公公明洪武中隨東甌王下

常州結營郡城西世爲西營劉氏六傳至懷川公本
姓張氏幼育外家因以舅氏爲氏懷川公有隱德嘗
寓賈人金十餘年後遇丐者貌似賈人詢之果其子
悉舉畀之封識如故識者謂劉氏之後必昌又三傳
至詔韋公明天啟乙丑科進士官御史與枋國者不
合罷歸里門

皇朝定鼎起工部屯田司郎中隨親藩定福建宣布

威德全活甚衆閩人所在尸祝之

勅建專祠春秋致祀高高祖素隅公順治丁亥科進士
歷知直隸保定府事高祖懋菴公由廕生歷知福建

西晉書上卷
卷一
福寧州事累贈光祿大夫居官並有異政詳邑乘中
會王父崑來公康熙癸酉科舉人

勅封文林郎翰林院編修累贈光祿大夫先王父似虞
公郡庠生

勅封文林郎翰林院編修累贈光祿大夫生子二長伯
父經次卽府君府君生有異稟方四歲高王母史太
夫人剪塊紙作字以課隨貯髹漆合旬日常滿每晨
起卽捧合至史太夫人卧榻前朗朗覆誦無遺史太
夫人奇愛之然體氣素弱後每夜臥甫交曉覺意中
有物如針影漸大如椽卽怛怛不能寐嘗諭不孝等

云諸孫弗令早識字恐彊記能損神也六歲就塾蒙
師以子欲手援天下題令作破府君破曰援天下以
手是嫂天下也師嫌其不穩改作是以天下爲嫂也
適友人某過館見之詫曰出語不凡當是著作材君
轉勿及耳嗣後家益落不能延師先王父攜就遠館
至十四五歲先王父命師事張石田先生先生故先
王父師也爲經師有名性方厲呈藝不當意輒就燭
焚之不置可否隨命另搆至再三愜心乃已幅中有
圖乙處尤訶責不少假借獨府君師事數年未嘗督
過兩世師弟相得無間後先生歿適府君丁先王母

西營錄上家言 卷一
憂歸里爲之立傳且祭埽焉是時邑中學者爭尙時
藝而斥詩古文辭爲散作謂非功令不敢闕府君幼
卽好之時時與從叔祖穰塏先生相鏃礪外祖張
公有雅鑒深相器重延課諸舅氏學因以吾母許夫
人歸府君府君自年十九補博士弟子受知于督學
少宰桐城張公每歲科試必列優等旋食餼恭遇

今皇帝御極初元遵奉

世宗憲皇帝前詔開博學鴻詞科督學桐城張公暨撫
軍顧公以府君名薦

御試第一

特授翰林院編修府君以鄉曲寒峻仰邀

特達之知感激銘心益自刻勵與從叔祖穰騰從叔圃
三趙君畏之陳君師晦分韻聯吟或達旦不寐嘗曰
翰林報稱惟有文章吾敢忘秀才本色耶丁巳五月
充

世宗憲皇帝實錄館纂修官本月

御試詞臣以詞科甫經授職

特命免試

恩賚仍視優等戊午八月充順天鄉試同考官得士趙
貴彤等十二人己未二月充會試同考官得士伊興

西營錄上家言 卷一
阿等二十一人闡中遇卷內有謄錄錯誤文義至不可解者必爲一一尋繹鈎剔曰士子三年不易吾期無負夙心而已主司爲之嘆服庚申三月補授侍講
六月充

皇清文穎館纂修官辛酉六月充

日講起居注官是月充陝西鄉試正考官得士梁濟瀾等六十七人矜慎一如分校時途次奉

旨特授太常寺少卿壬戌三月遷右通政十月轉左通政癸亥四月遷太僕寺卿乙丑四月遷大理寺卿五月充

殿試讀卷官丙寅十二月補授內閣學士兼禮部侍郎

丁卯三月奉

命編輯詞林典故是年考試成安宮教習戊辰三月

以內閣學士知貢舉九月充武會試正總裁得士楊

德潤等九十四人已巳七月扈

駕木蘭奉

勅撰秋郊大獵哨鹿等賦

上嘉歎由是

知遇益深卽於九月得

旨署理兵部侍郎事充續文獻通考館副總裁官兼

五朝國史館副總裁官並

命在

南書房行走十一月補授禮部右侍郎十二月調補工部右侍郎仍兼管兵部侍郎事庚午正月奉

命在軍機處行走是月充

平定金川方畧館副總裁官兼輯西洋館文字辛未六月奉

旨前赴土默特清查蒙古地畝遷移種地民人回籍一事緣土默特該處旗地半爲民人侵佔本人生計漸薄不能自存議勒限遷徙流民撤還所典旗地府君

敬遵

諭旨折衷從前議奏各案酌擬應行事宜具

奏大畧言此等出口民人積聚有年無頓行驅逐之方
有積次疏通之法查民人有價典旗地立產安居者
儼然身同土著幾忘其地爲蒙古之本業自應一遵
原議按五年三年之限撤還嗣後不得私典他如領
地耕種而計畝交租之爲佃戶受雇力作而計功交
值之爲傭工此種浮寄謀生初無佔地之意卽將來
該旗歸復本業未必無需承種幫工之人請將前項
撤地之民逐一清查除力能歸籍無令遷延觀望外

西營書上卷言
其實在窘迫無歸者徃其或佃或傭暫行餬口更有
民人領地開荒寫立年限合同文約認種交租者伊
等積累辛勤始得地畝成熟與用價圖典旗地者不
同請嗣後遇有此等年滿應還之地查明酌辦除蒙
古生計有餘者仍聽其認種交租若蒙古現無產業
則先量其所需自種之地按數歸還此外更有贏餘
量給原墾之民納租耕種以償前勞再內地民人紛
紛求出或藉口往投親戚任意往來日增月積其中
更有無賴之徒溷跡山溝棲止窩鋪遊手趁閒致有
燒鍋賭博匪竊等事最干禁例請嗣後除託業商賈

工匠事關日用所需聽其存留此外立行驅逐市肆
鋪面亦不得再行添蓋其現在借地所蓋民房及商
人鋪面亦行酌定租銀以杜紛爭且使內地民人知
口外別無可以私墾之土私佔之居出口者將不禁
而自止矣至於口外村莊不許旗民攙雜居住立法
至爲周匝但查木頭城三座塔二處居人稠密久成
市鎮一旦迫令分移懋遷失業其中旗民彼此欠項
亦多經年未清請准其照常居住但不得添蓋鋪房
續增民戶以杜其後並請增設巡檢司一員駐劄該
旗適中之三座塔以承辦差務彈壓地方于事實爲

有益得

旨允行七月扈

駕木蘭奉

命隨和碩莊親王閱看潮河九月丁先王父憂

上念府君清貧

特賜帑金庀喪事府君哀毀過甚七日不進勺米自是

暨服闋皆素食先王母深以爲憂勸府君加餐府君

泣慰曰親喪固所自盡兒自量能任此非不勝喪也

後先王母卒府君水漿不入口者三日遇疾病亦間

御酒肉曰吾年非昔比且憶慈闈諄囑也伯父先先

王父歿於家府君得家報哀感不止然不忍使兩老人知至是乃以白先王母焉壬申三月扶先王父喪歸里府君自迎養後祖居繡衣坊受分才得老屋三四楹計不可居因竭力拮据數百金典北門玉帶橋宅一所稍爲治喪棲止地而祖塋不可耐葬勢宜別營兆常郡故鮮隙地間有稍合形勢者輒居奇以邀重價至有力不能葬遲至數十年者府君鑒其敝於舟中則取青鳥諸書而觀之旣畧究其說掩卷歎曰所謂風水者欲其親之安也豈爲子孫福利哉然宋儒如朱考亭猶涉厯其說此蓋非沙水龍穴之是泥

以爲慎終之禮苟有一說焉足以致吾慎者卽爲子孫所不忍廢是盡廢之與過泥均失也抵家後日往鄉村相度雖盛寒暑徒步陌隴間不以爲勞最後得豐東鄉鄭陸橋地一區驗土脉燥潤適宜遂卜葬焉而耐先伯父於昭穴癸酉八月奉

旨補授戶部右侍郎府君感極流涕時封樹未畢謹繕摺

奏謝懇

恩於十月杪起程得

旨俞允府君稟命先王母金太夫人以明春買舟率眷

屬北上而自率從兄芳芷先行重過河間作詩云孤
子淚乾秋草後旅臣心折曙雞前與從兄相視沈瀾
久之至十二月赴京供職甲戌正月

命兼管順天府府尹事務府君遇事整頓悉心調劑不
以兼攝自諉向例順天府屬設有治中一員通判一
員每遇應辦差務由府尹隨時派委日行事件概不
與聞府君念責成不專非設官意請自後將錢穀戶
婚田土等事責令治中詞訟禮儀及一應雜事責令
通判俱于稿面書名畫押呈堂請行由此居是職者
始不以冗員自愧云西陲用兵時官兵由京分路起

西營盤上... 卷一
程其北路一程至南口又一程至懷來俱由順天府
尹辦理車輛應用官車不足則募民車以應府君酌
定雇募之價隨時入

奏又如搭蓋帳房安營駐劄開設官店以杜市僧居奇
指索諸弊兵民稱便每兵一撥過則持被宿德勝門
外古寺中與僚屬籌畫常至夜分無倦容二月

命以原銜充

經筵講官四月

命考試內閣中書六月扈

駕東巡恭謁

祖陵十月轉戶部左侍郎乙亥二月扈

駕恭謁

東陵六月準噶爾

大功告成

恩旨議叙充方畧館副總裁官恭進

平定西陲露布十月

賜內城官房一所十二月奉

旨赴浙審勘巡撫鄂樂舜勒派商銀一事途次平原奉

廷寄查

奏江浙賑務丙子正月以讞牘

上附陳災賑情形復

命江督尹公會勘覆

奏以定擬過當經部議革職仰荷

聖慈從寬留任三月得

假還里省墓四月有

旨專辦部務不必兼軍機處行走九月不孝躍雲順天

鄉試中式十月

命察勘直隸十三州縣馬厰地畝丁丑正月扈

駕南巡二月得

假省墓六月奉

命教習庶吉士戊寅正月奉

旨仍在軍機處行走是月

恩賜海淀園房一所三月

恩賜內城官房一所七月扈

駕木蘭己卯六月補授都察院左都御史十一月回部

大功告成議叙軍機大臣加三級庚辰三月

經筵進講八月恭遇

皇上五十萬壽祖母金太夫人恭

進如意蒙

恩詢知祖母年逾八十卽灑

宸翰書延暉承慶匾額並緞四端貂皮十張以
賜八月充

恩科順天鄉試正考官得士崔鳳集等二百二十九人
府君衡鑒平慎取文不拘一格而都下人才輻輳及
格之卷多至溢額始難在取而繼難在去揭曉前數
日猶列備卷于案較量而進退之至夜怔忡不能寢
探荷包得人獲少許服之稍已僕施元從容以過勞
諫府君曰是合式者皆兄弟也一去取間於我至易
獨不爲士子計乎揭曉日赴木蘭陪扈回京九月以

行在秋讞奉

旨暫攝秉筆十一月

命赴西安會勘將軍嵩阿禮派扣餉銀各款辛巳二月
經筵進講是月扈

駕五臺山五月補授兵部尙書六月教習庶吉士七月
扈

駕木蘭十一月恭遇

聖母皇太后七旬萬壽慶節祖母金太夫人以高年艱
于步履府君具摺爲金太夫人恭

進如意

恩賜內府緞二端吾母許夫人隨命婦班接

駕亦蒙

恩賜如意及各種珍物恭遇

覃恩

誥封三代高王父曾王父王父俱光祿大夫兵部尚書

如府君官高王母曾王母俱一品夫人先王母一品

太夫人吾母許夫人一品夫人壬午正月扈

駕南巡二月得

假省墓五月恭進

南巡序七月扈

駕木蘭十月

恩賜紫禁城內乘馬往時府君以受濕得足疾遇長至
輒增劇荷蒙

聖恩體恤周至除夕賦詩云眼明饋歲支官鏹足蹇朝
正策禁驂蓋紀實也自庚辰而後每歲除必

頒賜崇文門稅銀五百兩資度歲云十二月磨勘直省
鄉試卷府君於原勘官磨出疵累處逐加考核貼說
隨

進念士子不諳禁例文理有疵議以停試固屬分所應
得然有命意過人而字句間有出入者若概從糾摘
恐舉子以庸作圖全考官亦以濫登塞責于文風士

西營錄上卷一
氣有關今所

奏說帖俱見內集中癸未二月扈

駕恭謁

東陵四月復磨勘會試卷五月調補戶部尚書是月教

習庶吉士六月以戶部尚書協辦大學士十月

加太子太保銜十一月

賜御用紅絨頂貂皮冠一合甲申二月扈

駕恭謁

東陵三月

西經筵進講七月扈

駕木蘭八月兼攝刑部尙書事乙酉正月丁先王母金
太夫人憂府君時年五十有五然哀至輒作孺子慕
附身附棺之具一如所以喪先王父者而尤加詳慎
焉曰古人於喪事期于弗之有悔吾覺昔時可悔者
多也七月中四妹復邁危疾不起府君心緒彌惡而
部署家事及津塗所需雖瑣屑不以爲瘁晨起坐聽
事堦下視石工刻誌石親爲指畫斤鑿錚然至夜乃
已十月抵家營葬事以丙戌正月合葬於先王父之
兆冬青松栢悉親視補植祖塋之在荷花蕩新聞者
以次葺治種樹萬株立石署贈官皆手自書唯謹旣

西華堂上集詩 卷一
稍暇則卜壽藏於鄭陸橋之西曰澤巷距王父母墓
里許祔次媳許氏於穆穴而以四妹細妹連祔末坎
顧語不孝等曰凡我亟亟爲此者非慮以累兒輩念
我以寒士邀

皇上異數恩上自父母下逮子孫蒙被

高厚凡三十年今兩老人事已畢將俟服闋進京以盡
臣職不敢作歸田計故粗爲料理使心無餘事庶竭
精力以効涓埃耳二月不孝躍雲計偕北上誠之曰
今歲榜後值大挑之期苟能幸邀一命以力圖報效
固不宜蹇拙自安然民社至重學製不易其審諸四

月不孝躍雲會試中式

殿試蒙

恩拔置一甲第三名府君得塘報卽遣家人齋摺陳

謝手書諭曰

國恩祖澤何以克當我念祖父母見背方椎心隕絕汝宜勿自喜丁亥三月奉

旨補授吏部尙書仍協辦大學士府君旣繕摺

謝卽束裝就道以五月抵京進

見時值

上御門辦事畢府君免冠叩首卽蒙

西營錄上家言 卷一
恩垂問云汝何容瘁至此因

詢及到家後辦理喪葬事甚悉府君出爲不孝等垂涕
述之謂

皇上憐念及此正不知作何報稱也旣受吏部任遇倬
直無事則奉

旨間一二日進署府君念銓政久經

聖明整飭諸弊肅清而猾吏因事規利積習慮未盡除
或有需索不遂輒於文書年月增改一二畫呈請駁
回查覆往返以數月計府君尤留意覺察每判牘必
諦視始下筆焉舊例吏攢一途缺分繁簡在京繁缺

書吏一經役滿卽由該衙門送吏部掣定職銜選用
並不考試外省書吏考定試卷送部請點大臣校閱
在京簡缺書吏役滿彙送吏部考試將試卷封固俟
外省卷到時一併送大臣校閱分別去取府君見外
省咨送之卷字畫文義類多粗率獨在京吏攢送部
考試者大槩字畫端楷文義工緻蓋由吏部止據送
到冊籍年貌約畧相符其是否本人不能指認難保
無頂替代倩之弊非所以慎重考校因具疏請

旨嗣後在京簡缺書吏卽由該衙門自行考試再行咨
送吏部以便就其平日所熟識核對年貌庶諸弊無

西晉書上卷一
可復施而體例亦歸畫一府君遇事慎核名實皆此
類也選人需次來謁者皆辭不見誼在親故則必就
所見而誠語之以輔益其所不足或佩服府君語
所至有聲戊子七月

駕幸木蘭奉

旨暫行兼署戶部尙書九月不孝圖南順天鄉試中式
敬繕摺

謝復率不孝圖南赴密雲接

駕泥首

輦路旁卽聞

天語云此卽汝子中式者耶是科妹夫陳賓亦同榜中式十月

命以原銜復充

經筵講官己丑三月充會試正總裁官得士徐烜等一百四十三人揭曉後遵

旨復取墨卷遴選文義清通字畫端楷者得士陸瑗等六十人進呈

御覽會磨勘御史王顯會簽出第二十名梁泉卷疵類過多部議革任蒙

恩旨寬免四月丙戌庶常散館不孝躍雲考列一等第

三名庚寅四月不孝躍雲考試差入選引

見卽於六月

簡差山左正考官府君感悚交至率不孝躍雲詣

闕謝

恩臨行諭以敬慎持衡之法且曰書生不昧本來在此

翰林報

國亦莫先乎此汝謹識之八月府君復奉

命充順天鄉試正考官得士趙槐符等二百三十人撤

棘後府君奉

行在

諭旨在京辦理部務不必前來九月杪不孝躍雲赴熱

河復

命蒙

召見詢問考試事畢復

溫旨諭云汝父學問好汝自量不及須勉力敬學不孝

躍雲歸爲府君謹述之府君曰遭際至此吾期汝知

感尤期汝知勵否則將爲

聖世廢人矣辛卯二月奉

旨實授文淵閣大學士兼工部尙書仍兼管工部事務

是年恭遇

國慶頻仍

覃恩中外

累贈

褒封榮施稠疊府君計自起家詞科早登仕版荷

聖主恩遇不次遷擢敷歷九卿四膺

封誥每轉一階則圖維報效中夜傍徨至是彌悚仄不

能自己壬辰三月充會試正總裁官得士孫辰東等

一百六十九人復取中正榜汪日章等六十八人先是

府君將編次詩古文辭爲內外集外集業有繕槁惟

內集應

制諸作直廬幕次錄竟卽以時奏

御所存彙本別局一篋至是撫而歎曰吾年踰六旬尙復不自收拾耶因謀次第裁汰爲消夏計唐世兄紹家幼從府君學追隨幾四十年府君命司補綴之役每一稟削成則令碎翦糊素本中類裝潢家所爲蓑衣裱者顧語紹家曰此君家荆川先生遺法也凡閱五月始畢則祀文昌神以慶其成曰吾一生心力萃于此矣且未可剗劂問世兒輩其善藏之嗚呼府君豈預知今歲之將易簣耶今歲二月初旬間發寒熱始覺牙齦隱隱作痛左頰漸腫以爲風火之症勿藥

當已入直進

見卽蒙

恩遣太醫院堂官陳世官診治服涼散十餘劑稍覺平
復時

駕幸天津隨具摺恭

謝每日出進署批閱案牘如常時而腫處冒風凝結不
消且益甚迨三月迎

鑾

上望見卽驚問汝患處乃轉劇此瘍科症頃見院判武
世倬來接汝其卽攜以歸悉心調養府君隨懇

恩乞假武堂官亦日就診視始服普濟消毒之劑漸加
溫托繼而腫處紅熱出有稠膿武堂官間日進說帖
亦謂日有起色而

聖情殷注不時

遣御前侍衛至第存問會

日講起居注官缺出不孝躍雲隨班引

見名列第六欽奉

恩旨充署府君仰維

聖意感荷彌深五月

駕幸木蘭時府君瘡患稍減而口中腐肉未清飲食淡

泊不能滋養營衛方議峻補復荷

特旨頒賜人獲一筋府君就枕上叩頭祇領訖猶力疾
繕

奏稿不孝等見府君作草時神明如舊波磔具有腕力
以爲從此得

上方珍藥計日培補可冀速痊詎料六月中旬忽受暑
風繼以泄瀉病勢日增遂至不起嗚呼痛哉卒之前
夕口授遺疏至二十三日疾革不能語猶手折簞角
拊枕呼

聖恩者再不孝等泣思折簞角者折摺同音謂繕摺也

拊枕謂伏枕哀鳴也其他語則不可得辨已嗚呼痛哉翼日

上聞奉

諭旨大學士劉綸品行端醇學問博雅久直禁廷簡畀閣務勤勞夙著倚任方殷今春偶患腮頰浮腫卽派御醫診視並令加意調攝入夏以來慮其未能輕減屢差侍衛存問嗣聞其體氣虧弱特賜人蔭俸資培益用冀速痊昨以重受暑風復加沈劇倍增屢念茲聞溘逝深爲悼惜著加贈太子太傅入祀賢良祠其任內革職降級之案均予開復並賞銀一千兩辦理

喪務並派皇十二子帶領侍衛十員往奠茶酒所有
應得卹典仍着該部察例具奏欽此是日由留京辦
事處齋到鮮荔支猶數日前

上

所賜也嗚呼痛哉府君生平謹慎和平不立崖岸而
操持素定不可干以非禮嘗言今人動云師古道太
聖人亦只說得個時中鄉黨一章以時字作結可見
今之古道卽古之所謂時樣所貴時樣之中持以古
心堅以古力不落委蛇從俗一派若危冠弊服立異
沽名正睂山蘇氏所謂不近人情者爾又曰居官貴
操守若仰事俯育日不能給必終壞其守故知節儉

爲操守之本也節儉者非徒謹縮日用而已謹縮日用而內多嗜慾必終潰其防故知寡嗜慾又爲節儉之本也府君自奉寡約旣官京師僦屋南城凡四徙僅取足蔽風雨後

賜內城第宅及海淀園房皆因其舊而加葺焉不營治書室隨所至則手一卷客至或值坐具不足呼僕從他處移置則拱客立以待戚友見者皆以爲秀才所不堪也飲食惟樂清淡而被服冠履雖甚敝必修整退食手自褶疊或吾母代之不以假人遇朝班典禮皆從其新曰吾受祿不薄觀瞻所繫不宜過

簡也官閣學時有因族人求執弟子業者府君旣諾之越數日介紹者來見袖二百金爲贄府君愕然曰焉有是我未嘗爲渠闕一藝何修贄爲曰其人本無文字緣仰公名德願附門牆區區納此者稍佐高堂甘旨耳府君卽稟先王父母婉却之時食指旣多衣被常入質庫勿恤也府君雖遇窮約時於非義不苟類如此府君遭先王父母大故居鄉遇府縣當事必盡禮然一答拜外未嘗私謁因間言如公清望豈疑別有關說何自遠嫌若此府君曰某數數往來鄉人將謂與當事厚尙有不諒某者無以相謝矣出門簡

僕從或遭醉人訶罵弗校也秉心樂易遇知交故舊
及同官僚佐從容談論移晷不去然落落無親昵之
色至其人疾病急難則不啻身受之聞人一言之善
則時諷誦之不去口退直返舍行止皆有常處有寓
居十數年從未一履其地者於書喜博覽坐右恆置
昌黎集一編每日唐以後古文惟昌黎獨闢境地但
無階級可學當積理以俟之爲詞章取裁文選暇則
隨手標識謂如大匠求木于鄧林至間架結構非運
以馬揚骨力不可詩自漢魏樂府及唐宋元明人無
所不好而于近代尤亟稱高青邱和平大雅自然入

西晉書上卷
唐人格意府君辦香或在是云作書少年時學歐體
晚訓不孝等獨舉顏平原以爲書家正鵠平正嚴肅
卽係做人樣子無取敬側佻巧也嗚呼不孝等不自
樹立實賴府君以父兼師今音容已隔從此不聞提
命尙何以爲人哉尙何以生爲哉府君先後居官所
得

恩賚新歲則有宮燈如意荷包之

賜上元賡和則有

御題名畫及

內府墨搨筆墨硯紙文玩文綺之

賜端午則有紗葛香囊宮扇角黍之

賜

行圍則有鹿脯果品之

賜歲除則有

御書福字及鱸薹珍羞之

賜

慶典則有如意朝珠豐貂大緞之

賜扈從則有額外俸金之

賜外此

特恩若

御製詩文集及

御纂書籍

御畫

御用貂冠貂袿海龍披領和闐貢玉不可勝紀府君並
敬謹藏弄留示子孫今一一具陳琳瑯觸目乃至周
身飾終之具無不錫自

天家而府君已不及見矣天乎痛哉府君生於康熙五
十年辛卯九月二十七日寅時卒於乾隆三十八年
癸巳六月二十三日申時享年六十有三乾隆丙辰

御試博學鴻詞

誥授光祿大夫

經筵講官太子太保文淵閣大學士兼工部尙書仍兼
管工部事務軍機大臣充方畧三通

國史四庫全書館正總裁官軍功加七級紀錄七次加
贈太子太傅入祀賢良祠

賜諡文定配吾母許夫人

誥封一品夫人例贈文林郎縣學生孝張公女子四人
長不孝圖南乾隆戊子科舉人配許氏量材公女次
不孝躍雲乾隆丙戌科一甲三名進士翰林院編修
署

日講起居注官加一級元配許氏

勅贈安人縣學生高發公女繼娶張氏

勅封安人乾隆壬申科舉人保舉直隸州知州署雲南

大理府同知事棲巖公女不孝召揚國學生配莊氏

乾隆乙丑科一甲二名進士內閣學士兼禮部侍郎

入直

上書房方耕公女驥稱早卒女子六人長適國學生芳

華陳公子乾隆戊子科舉人名賓餘俱早卒孫男七

人逢年聘金氏乾隆壬午科副榜候選教諭玉堂公

女逢會逢裕不孝圖南出逢嘉聘陳氏卽肖巖妹丈

女逢慶不孝躍雲出逢辛逢壬不孝召揚出孫女二
人不孝圖南出者一不孝躍雲出者一不孝等苦塊
昏迷語無倫次伏冀大人先生錫之銘誅以光泉壤
不孝等世世子孫感且不朽

孤子

躍雲
圖南
召揚

泣血稽顙謹述

賜進士出身

誥授光祿大夫

經筵日講起居注官太子太保東閣大學士兼禮部尙
書管理吏部刑部事務翰林院掌院學士軍機大臣
充方畧三編

國史四庫全書館正總裁官軍功加二級紀錄三次年
家眷同學弟統勳頓首拜填諱

...

...

...

...

...

...

皇清誥封一品夫人晉封一品太夫人顯妣許太夫人
行述

嗚呼痛哉吾母太夫人竟棄不孝圖南等而長逝耶
不孝等自癸巳歲失怙迄今十有七年兄弟三人宦
途分跡近者侍養膝前遠者遵奉慈誨太夫人實以
嚴教兼鞠育又素康強無疾年逾七袞視履不衰方
謂春暉正永藉展寸草之心而今已矣不必視息於
人間矣顧念太夫人相先大夫四十年身履華膺而
未嘗肯享一日之安不孝兄弟次第成立而未嘗得
盡一日之養由境遇以觀人謂五福咸備而甘苦之

西營山家詩 卷十一
況實有親串所不及知者若非詮次行實求當代宗
工鉅筆傳諸不朽不孝等更復何以爲人乎太夫人
姓許氏先世居武進馬蹟山中時稱馬山許家自故
明山西巡撫諱鼎臣遷居郡城十八家邨族望益大
中丞公生侍御公諱之漸

國朝順治中巡視陝西茶馬監察御史侍御公生鍾祥

公諱維楫湖廣鍾祥縣知縣是爲太夫人曾祖考祖
諱璿耀有聲庠序尤工於詩與毘陵六逸詩人齊名
鄉人稱爲秋菘先生考諱仲妣唐恭人兩世並以舅
氏海槎公任湖北宜昌府知府贈如其官外王父數

奇不偶老于諸生顧精于藻鑑太夫人幼明敏嚴重
爲外王父所鍾愛時先大夫甫爲諸生外王父一見
並閱所著詩文深爲器重遂與先王父訂交締媾焉
時繡衣坊祖居受分數椽不能親迎外王父因具甥
館且延課諸舅氏舉業相得歡甚太夫人間日一至
先王父母所修定省焉歲丙辰恭遇

皇上御極初元先大夫以薦舉試博學鴻詞科

御定第一

特授翰林院編修吾郡以制科通籍者康熙己未爲周
少司空清原閱六十年爲先大夫先後皆許氏壻年

並二十有六又周夫人暨太夫人行俱第四嫺黨豔
稱之以爲異數殊榮而太夫人意度凝遠不以少貴
自喜戊午奉先王父母就養京師時不孝圖南年五
歲躍雲年三歲未離乳哺而堂上齒逾花甲先王母
時已失明動履需人扶掖太夫人仰事俯育以一身
肩之不以委婢僕也先大夫僦居都下親友之就寓
者堂皇皆滿遇不給則典質以供俱太夫人親爲擘
畫每日晡司爨老僕立戶外豫計次日米鹽菜蔬一
切供具數錢排列案上一一分識之日以爲常先大
夫由翰林洊歷九卿數十年中遭遇

聖恩無歲不蒙

遷擢而食指漸繁清貧未能稍減不孝等弟妹以次成列牽衣提抱圍繞左右以是太夫人旦晚辛劬一飯或至數起或日昃未能就食泊先大夫供職

內廷率以四鼓入直雖甚寒暑太夫人必先起視餐整理冠服持燈閱厨竈門戶始得安寢歲辛未遭先王父之喪乙酉遭先王母之喪自含歛迄奉櫬南歸以至奠安窀穸襄助大事盡禮盡哀事無不周而世俗浮費則槩從節省歲丁亥先大夫服除特奉

恩旨卽家起復 吏部尙書仍協辦大學士太夫人卽

於是夏至京辛卯先大夫補授

文淵閣大學士是冬恭遇

聖母皇太后八旬萬壽

覃恩封一品夫人前此三遇

國慶凡再

馳封至是實兩膺

誥命十一月

萬壽聖節偕諸城劉文正公夫人在海淀

宮門外領命婦班恭迓

鑾輿蒙如意貂皮緞疋荷囊之

賜溯自辛巳歲以一品命婦隨班祝

釐至是亦兩預

嘉會被荷

寵榮太夫人感遭際之非常恆以福澤過分爲懼所得
珍賜一一敬謹弄藏卽禮冠命服亦手扃一篋歲時未
嘗一御癸巳春先大夫患頤頰之疾至夏復染暑風
至於大病太夫人調奉湯藥寐不交睫者幾至半載
易簣之日哀痛殊不能任而經理終喪不孝等事事
稟命而行得以弗之有悔時太夫人年屆六旬精力
亦已瘁矣乙未冬不孝等奉太夫人北上詣

闕謝

恩太夫人諭不孝等曰汝父以寒素通仕籍受

恩逾格吾年過六十事舅姑相夫子之事畢矣所望者爾輩能承父志共矢報稱耳要知自爲樹立即所以爲報稱之地吾所生子女十人存者三子一女女所望在壻吾俱不欲其長處牖下也時不孝躍雲已入翰林諄命黽勉供職不孝圖南中戊子順天舉人應禮部試未售不孝召揚方應鄉試妹夫陳賓亦以賢書計偕留居京邸太夫人並以未得及時自效爲憂會開

玉牒館不孝圖南以收掌議敘得補授內閣中書不孝

召揚兩應

召試丙申

東巡名列二等得

賞緞疋迨甲辰

南巡

欽取一名

特賜舉人候補內閣中書而妹夫陳賓亦以

四庫全書館議敘於己亥歲分發湖南知縣迴憶甲辰

之歲不孝躍雲以簷事奉

西晉書上家言 卷二
命督學江西途次復拜

恩旨陞授內閣學士太夫人率眷屬就養官署不孝召揚以是歲初膺一命亦隨侍焉而妹夫陳賓以卓異正薦南還省墓偕妹取道江西便省太夫人時太夫人正屆七旬捧觴稱慶太夫人謂吾今兒女事粗畢繼此殆可樂餘年矣其秋因江西地氣卑濕率不孝召揚暨大妹返里舟經兩浙湖山語不孝召揚曰吾生平不喜遊眺蓋以家事累之今知風景亦自佳也丙午不孝圖南以中書俸滿挑發廣西試用同知至家覲省太夫人命之曰廣西道遠吾不以曠隔爲憂

但外任較京職難爲而同知分治府事有表率之責
汝父以文學起家未履外任常言民社至重汝其勉
之迨吾年八十望汝以養親來歸也丁未不孝躍雲
任滿復

命陞任工部侍郎太夫人復由常州率眷入京命不孝
召揚留里門諭之曰吾家雖無田園而先世祠墓經
汝父草創懼日久就荒須汝經理數年至將次補官
時北來可耳比至京不孝躍雲見太夫人慈顏豐豫
行履不復扶杖媼戚進見者咸謂體氣康健較勝十
年以前太夫人謂曰老而返壯於理無之或吾七十

以後不復當家稍覺安逸爾去歲之春偶以感冒調治匝月就痊猶日課孫媳孫女輩鍼滯精神固未減也今年初夏舌根時覺作痛醫者以爲浮火上炎而脈氣和順法當清補適不孝躍雲以禮部侍郎奉

派

欒陽隨扈太夫人諭以吾本無疾奉職應官無須繫念每三日得隨報家信必傳太夫人諭漸次痊可八月輪番回京卽奉

旨

視學福建見太夫人神明如舊而舌恙未清且時有痰嗽醫言宜用參朮地黃氣血並補服十餘劑日覺奏效飲食亦增喜語家人曰吾日夕望兒得南差今

福建於江鄉爲便道吾至舟中當霍然矣乃擇九月
十三日啟行先期視家人料檢行李言笑如常十一
日飯後忽覺不怡延醫診視猶謂脈氣如故卽前方
可服不意十二日辰刻痰涎湧吐漸至不語竟於酉
時棄不孝等而長逝矣嗚呼痛哉不孝躍雲侍疾無
狀痛不欲生而不孝圖南召揚一宦遠方一淹鄉里
竝不及奉遺言視含殮抑何以爲心哉太夫大秉心
和易而動必以正尤甘澹泊習勤勞嘗云婦人無外
事然須識大體而詩禮之家有一等知書識字者又
以井臼操作米鹽瑣悉爲末務則誰與任其事者耶

故太夫人之事先王父母也甘旨之蓄溫清之節一切以先大夫之心爲心俾先大夫得以不問家事有無所以代匱子職者無不盡先大夫亟稱曰貧賤家固賴有健婦居官者尤賴有賢婦也太夫人生子女十而自乳者六嘗曰力能自乳何假他人且吾不忍見他人之棄其子女也戚好來就邸第時其飲食療其疾病有年老者遇冬月則熾炭一盆手自撥爐分給之待婢僕有恩而於言語不實者必斥責之過後亦不復省故皆以爲易事焉性好潔拭布拂塵不去於手衣服雖敝無垢喜布素於紛華一無所好嘗詣

媼黨稱壽首無珠翠之飾見者不知爲一品夫人迨
坐定優伶登場輒託故去不孝等有過雖年長未嘗
不督責或學業稍進以爲固應如是不遽假以辭色
而於親族子弟有文行者必獎許之若有所爲非禮
自揣爲太夫人所不悅者輒不敢見蓋端嚴之性素
爲人所敬憚如此嗚呼不孝等自先大夫見背猶幸
有太夫人朝夕提撕今則無所稟承矣天平痛哉太
夫人生於康熙五十四年乙未九月初八日戌時卒
於乾隆五十四年九月十二日酉時享年七十五歲
誥封一品夫人晉封一品太夫人子四人長不孝圖南

西營錄上卷一
乾隆戊子科舉人廣西南寧府同知署百色同知配
許氏

誥封宜人國學生量材公女次不孝躍雲乾隆丙戌科
一甲三名進士

經筵講官禮部左侍郎原配許氏

誥贈夫人縣學生高發公女繼娶張氏

誥封夫人乾隆壬申科舉人雲南直隸州知州署大理

府同知事棲巖公女次不孝召揚乾隆甲辰

南巡召試一等

欽賜舉人授內閣中書配莊氏例封孺人乾隆乙丑科

一甲二名進士禮部左侍郎入直
上書房方耕公女次驥稱早卒女子六人長適乾隆戊

子科舉人湖南華容縣知縣陳賓贈文林郎芳華公
子餘俱早卒孫男七人逢年國學生配金氏乾隆壬
午科副榜福建尤溪縣知縣玉堂公女逢會國學生
配蔣氏乾隆癸未科進士安徽穎州府知府莘仲公
女逢嘉配陳氏卽肖巖妹夫女逢慶配張氏卽棲巖
公孫女國學生作孚公女逢祿聘潘氏議敘分發州
同知肇祺公女逢春聘何氏兵部員外郎慎齋公女
逢運聘吳氏前兵部右侍郎候補四品京堂香亭公

女逢年逢會不孝圖南出逢嘉逢慶逢春逢運不孝
躍雲出逢祿不孝召揚出孫女七人不孝圖南出者
一字邵宸楓廣西永寧州知州璜溪公子不孝躍雲
出者三長字溧陽黃晉錫宛平縣知縣景韓公子次
字姜國球乾隆丙戌科進士刑部左侍郎度香公子
次未字不孝召揚出者三長未字次字汪繩勳光祿
寺典簿杏漁公子次字莊戌蕤乾隆丙午科舉人山
東直隸州同知京少公子曾孫三人承業承家逢年
出承緒逢慶出曾孫女二逢年出者一逢會出者一
不孝等苦出昏迷語多挂漏伏冀大人先生錫之銘

誅以光泉壤則不孝等世世子孫銜感無極

孤哀子

躍雲
圖南
召揚

泣血稽顙謹述

								<p> <small>此與下</small> <small>關</small> <small>古</small> <small>斯</small> <small>隆</small> <small>節</small> </p>	<p> <small>新</small> <small>以</small> <small>光</small> <small>泉</small> <small>寒</small> <small>即</small> <small>不</small> <small>準</small> <small>於</small> <small>此</small> <small>世</small> <small>也</small> <small>新</small> <small>益</small> <small>想</small> <small>融</small> <small>融</small> </p>
--	--	--	--	--	--	--	--	---	---

皇清勅授文林郎直隸永平府遷安縣知縣顯考容齋
府君暨顯妣吳孺人行述

府君諱同字鐘應號容齋姓劉氏先世原籍鳳陽自
始祖恪公公以明洪武中隨東甌王下常州結營郡
城西世爲西營劉氏六傳至懷川公本姓張氏幼育
外家因以舅氏爲氏又三傳至詡韋公明天啟乙丑
科進士官御史忤枋臣罷歸里

皇朝定鼎起工部屯田司郎中隨親藩定福建威惠
甚著閩人所在尸祝之

勅建專祠春秋致祀高高祖素隅公順治丁亥科進士

西晉書上卷
名
三

歷知直隸保定府事高祖懋菴公由廕生歷知福建
福寧州事累贈光祿大夫居官並有異政曾王父崑
來公康熙癸酉科舉人累贈光祿大夫先王父伸遠
公

勅贈文林郎直隸宣化府龍門縣知縣配先王母謝太
孺人生子一卽府君也府君自幼穎悟就學於先伯
祖似虞公與先伯文定公同學極爲先伯祖所器年
二十五補諸生屢躋場屋客河南學使夢公麟及竇
公光鼐所閱卷每過夜分得朶脉猶力疾評隲或以
節勞勸府君正色曰孰非從此中來者以困憊小不

點檢使膚學倖獲而英雋屈抑負主人重自負矣癸酉赴京兆試得中副榜貢生授官學教習期滿分發直隸以知縣試用厯攝昌黎安平兩邑補龍門甫抵任值歲大祲卽設厰賑粥修舉留養公局所全活不下數萬人更倡捐義穀以備荒歉一切征收糧稅力杜宿弊邑人歌惠政焉是歲迎養先王父先王母于官舍不孝培原等始得隨侍左右而先王父遽以疾終府君銜恤歸里以哀毀甚咯血舊疾屢發杖而後起然經營葬事一磚一石未嘗不親自指畫也服闋補官得永平之遷安邑有李文耀毆斃傭工賄里胥

及屍兄寢其事府君集訊時屍母供以病故而詞色多可疑乃單騎至傭工家見一老嫗詰之則真死者母也一訊得實遂以文耀抵於法邑中稱爲神明旗人唐某以罪全家發往新疆起解時泣訴其女已字人府君欲爲申請而時有以事關

欽

讞力尼之者府君卒白其情於刑部遂以女歸其夫又嘗獲鄰邑盜首準遷格大吏欲循例保奏府君曰緝盜本有司職若緣此增秩是以一首易一級也力辭之府君之折獄明決而哀矜勿喜類如此

皇上恭謁

東陵暨

幸江南

幸天津

幸木蘭

馳道所經一切差務府君無不與其役供頓埽除必躬必親事集而民不擾屢蒙荷包文綺之

賜

而府君亦以是心力勞瘁血症益劇丁亥春乃告病

歸先是遷安凡有大差鹽典商及紳衿俱捐貲伙助

府君自甲申接辦邑人以舊額進蹙然曰此陋規也

吾本貧生幸邀一命凡差務皆分所應辦敢以此爲

汝曹累耶却不受遷安人以此深德之去之日士庶

集送萬民衣繖及南棠北蔭匾額兼賚贐金遮道跪
進府君却之再三不得已拈一最小銀子重不滿十
銖者一時比之一錢劉寵爲勒德政碑至今誦德勿
諼是歲十月抵家旋丁先王母謝太孺人憂悲哀憔悴
病勢遂日益劇易簣之夕語不孝培原云汝曹能
努力上達爲國宣力固佳卽不能仕進亦須安分守
己毋貽先人辱語畢遂瞑府君生於康熙甲午七月
十五日申時卒於乾隆戊子九月二十一日酉時享
年五十有五

勅授文林郎直隸永平府遷安縣知縣配吾母吳孺人

外祖希桓公季女也年十九歸于先府君時先曾大
母先大父母並在堂吾母善事承歡門庭雍睦家有
薄田五十畝祭祀脩脯諸費皆取給于此遇歲一不
登則拮据難狀先府君自客授于外以至入官前後
出門凡十五年吾母代匱子職支持門戶織悉必周
又爲不孝等擇師負笈里塾紡織之聲每至夜分不
輟先大父性耽經史澹泊寡營中年以後因家貧抑
鬱無聊每日晡輒思酒一升以抒懷抱吾母慮市沽
薄劣傷胃常計每歲薄田所入之數以十之八備饗
殮以其二易秔秫自釀醕酒終歲無乏至於甘旨之

奉力所能爲者無不先時擘畫務得先大父母歡大半皆刀尺針黹中所出也先府君寄歸館穀歲不過二十餘金僅足爲不孝等從師脩脯偶逢歲歉吾母則以糠粃麥屑和糜粥自食不令先大父母知並不令不孝等知之迨不孝等十餘齡時始聞族中人言之而後知也嗚呼痛哉外祖旣卒無子外祖母願孺人熒然無依吾母每夜聽譙樓鼓聲三更後力作所積常以分贍或寒宵手輟力竭則淚痕淹枕如是者十餘年及殯殮葬埋歲時猶必令不孝等展墓致祭繡衣坊老屋聚族而居自家計中落婢僕盡散有小

婢力不堪任重爨下井曰事事躬操中門外有井當宅中出入共由之路吾母必于嚮晨時攜桶汲水供一日所用間或不足則使小婢汲取而自立門內接遞有族叔祖偶因事蚤起見之歸詬家人曰某姪婦勤勞若是爾輩惟能坐食寧不知愧耶不孝等幼時目見耳聞不以爲異自今思之吾母生平心力盡瘁此特其一端泣血椎心何由補報嗚呼痛哉先大父歿於龍門官署先府君扶襯還里所餘廉俸不滿千金卜兆舉殯敬誠盡禮又於服闋後爲不孝培原娶婦爲不孝培基聘婦並屬吾母奉先大母挈眷北行

家居兩年及抵遷安任時無絲毫負累者吾母經理之力居多先府君以居喪號慟得咯血症既任遷安之二年患症時發以先太母年邁遂引疾歸歸未數月先大母見背先府君舊症大作遽以哀毀卒不孝培基應試北闈未返不孝培原倉惶督亂不知所爲惟賴吾母經營喪葬動協禮法嗣因食指漸多老屋勢難久住遂買玉帶橋宅遷居諭不孝等曰喪葬大事已辦新宅亦足棲止然汝父廉俸無多惟勤儉可以持久自今以往闔以內事吾當率兩婦任之大兒酬應往來當以周密謙和爲主二兒讀書未成宜一

意課誦弗令襄理家務致分其心也體素強健六旬外神明不衰日坐室中料理家務夜必率婢持燭親視爨下燈火及門戶啟閉晚以步履不便亦必令兩婦更番察看已方就寢然壯歲積勞素有痰厥之症丙午十月偶因感寒而發越歲始愈己酉閏五月舊疾復增醫藥罔效九月望後漸有起色私心竊幸過立冬節可冀康復乃未十日而遽爾棄養嗚呼痛哉吾母生于康熙五十七年五月二十四日卯時卒于乾隆五十四年九月二十四日戌時享年七十二歲以先府君官

勅封孺人生子二長不孝培原國學生娶呂氏優貢生

候選訓導韶諧公諱大濩女歲貢生候選訓導例贈
文林郎福建將樂縣知縣棠溪公諱錕孫女次不孝
培基國學生娶謝氏國學生善惟公諱楚寶女國學
生賓階公諱濟孫女孫男四人夢熊聘卞氏國學生
今書公諱仝正女國學生邁亭公諱禕孫女夢麟聘
趙氏國學生例授登仕郎候補吏目松軒公諱貴羣
女加五品銜知山東兗州府汶上縣事者庭公名王
槐孫女不孝培原出伯棠仲辛幼未聘不孝培基出
孫女七不孝培原出者三一適邑庠生丁保善乙未

科進士內閣中書文茲公諱履謙長子知湖南零陵
縣事彝尊公名應甲長孫二未字早卒不孝培基出
者四一字莊綬甲乙酉科舉人山陽縣訓導滙川公
名逢原次子乙丑科一甲二名進士禮部左侍郎養
恬公諱存與孫一字吳廷棟國學生于宣公名國蕃
次子丁卯科舉人海州學正鑑塘公諱汝翼孫一字
談文燾國學生岷亭公名杰次子方畧館議叙候選
州同知躍齋公名見龍次孫一未字不孝等草土餘
生未能顯揚萬一懼兩親懿行久而不彰謹追憶崖
畧畧爲詮次惟冀有道能文君子錫之銘誄以光泉

四書章句上卷言
名一
壤則不孝等世世子孫感且不朽

不孝

培原培基

泣血謹述

賜進士出身國子監學正加一級愚表兄董達存頓首
拜填諱

皇清誥授資政大夫工部左侍郎入直

內廷冢男圃三行狀

傷哉割乎生也有涯命也無常不知造物者何爲假
我以修齡而奪我以冢男也顧余男遭逢

聖代受

異數恩自起家翰林歷官卿貳供職

內廷年踰五旬孫輩且籍通館閣追溯生平學行嘗爲
先達所稱道不可以無述乃質敘梗概冀大人先生
俛垂采錄焉男生名星煒字映榆一字圃三姓劉氏
先世系出鳳陽自恪公公諱真於元至正中始遷居

西營里九傳至訥韋公諱光斗明天啟乙丑
進士廣西道監察御史十傳至素隅公諱履旋

皇朝順治丁亥進士厯瓊州保定知府男高祖也曾祖
諱維烈順治戊戌進士厯工部屯田司郎中祖諱瀆
邑增廣生以男任遇

覃恩馳贈朝議大夫左春坊左庶子例贈資政大夫工
部左侍郎祖妣孫氏馳贈恭人例贈夫人而余及妻
孫氏史氏叨封贈例如之男史夫人出也生而廣額
頤皙性開敏課書日數十行七歲四書五經並卒業
九歲出應童子試老成士至願折輩行爲平交年十

八學使禮部侍郎桐城張公奇其文補學官弟子員
是歲娶媳余氏男志學逾刻勵行文故捷且鬯獨句
鍛字鍊尺寸務準國初名家南中戊午省試武進令
蘭谿趙公首薦不售延入邑署讀書契重兼至後因
以長孫女字其孫己未長孫謹之生辛酉男苦連試
輒躋援例就北雍時從姪繩菴官京卿用詩文相鏃
礪九月次孫種之生壬戌癸亥男館於翰林檢討今
兩淮鹽政李公質穎所課徒之餘治時文益力甲子
中順天鄉試第七十七名舉人主考工部尙書錢唐
文端汪公國子監祭酒蒲州崔公同考禮部尙書前

西營錄上家言 卷一 三
左春坊左中允富陽文恪董公乙丑會試報罷有

旨舉國子監學錄左都御史杭公以男名入薦戊辰會
試中式第二十七名主考協辦大學士吏部尙書祁
陽文肅陳公大學士前戶部尙書常熟文恪蔣公兩
江總督前兵部侍郎長白剛烈鄂公禮部尙書銜前
禮部侍郎長洲文懋沈公同考通政使司副使前左
春坊左贊善諸城竇公

殿試第二甲第一名

賜進士出身

欽點翰林院庶吉士學習清書以余年六十請假旋里

辛未散館授職編修壬申

恩科充順天鄉試同考得士任震遠等十四人會

御試翰詹諸臣男名在二等五名記名應陞處提奏八月復充會試同考得士鄭天錦等十三人館選四今副都御史景公福兵科給事中王公懿德編修鞠公愷前庶吉士今河間府同知熊公恩紱部用一今內閣學士德公風也癸酉余媳奄逝是秋男充河南鄉試正考官得士七十一人方復

命蒙

恩充日講起居注官旋

西營錄上卷言
卷十一
命
擢侍講甲戌二月隨

駕恭謁

東陵七月奉

命提督廣東學政男悉意造士嚴關防正文體遇一藝
之善就堂皇雒誦俾衆共獎賊有犯不率者立召教
官檟楚之常閱卷侵曙幕客或卽座假寐男與商推
挾摘不少休時內助乏人爲繼娶趙氏史夫人攜以
之官夫人尋患噎膈男侍湯藥不假手婢子丙子四
月丁母艱扶服歸毀瘠彌甚丁丑赴揚州安定書院
掌教恭遇

南巡進迎

鑾詩百章

賜緞四端院中才士屬集若嚴公長明王公嵩高徐公
步雲王公文治鮑公之鍾鄭公宗彝俞公大模壯公
迎嘏蓋尤其卓卓者戊寅服將闋卜兆江村葬先王
父母父母暨孫夫人史夫人襄事盡禮己卯起復補
原官六月三孫理之生九月長孫謹之中順天鄉試
舉人男再奉

命提督安徽學政則請假爲余稱七十觴卽迎署侍養
造士一如粵東法年終彙奏試事荷

溫旨優獎以爲能事庚辰轉侍讀辛巳陞左春坊左庶
子掌坊事晉翰林院侍讀學士均留學政任壬午偕
督撫大吏候

駕紅花埠蒙

賚豐貂文綺且

賜御製五言律詩一章

每讀菁莪什渴然思育賢伊誰與我共造士得卿肩底
藉燃犀照應如冰鏡懸觀風要達隱詎止在文銓

駕次揚州男復進樂府四冊

上顧相國尹公稱善及之遵

旨遴士子六十人應

召試程君晉芳

欽取第一自餘多中選有名其年任滿回京供職癸未
長孫謹之援例內閣中書五月

御試翰詹諸臣男名在二等二名

賜緞二端記名應陞處題奏甲申奉

旨著在上書房行走十一月

賜貂褂一件乙酉正月蒙

恩陞內閣學士兼禮部侍郎是年恭遇

南巡次孫種之應

召試

欽取一等十一名

特賜舉人內閣中書而余亦以跪迎道左邀

顧問

賜緞三端一門迭被

殊榮頂感何極七月男扈

蹕木蘭恭和

御製詩有道筦寧論缺與倪之句

上與軍機大臣言及是韻殊窄輒爲許可九月陞授禮

部右侍郎十二月蒙

賜御書福字丙戌正月

命預重華宮聯句並賡

御製長律二首

賜如意端硯各種四月次孫種之會試中式

殿試第二甲第二名

欽點翰林院庶吉士五月長孫謹之選入軍機處行走

男郵信告余三世承

國厚恩涯分久溢今我父將屆八旬我弟繼留更嗣從

叔後男當具劄陳情乞歸養斥之曰男驟膺

疊擢兼日侍

皇子課讀方蘄涓塵報塞忘私忘家之誼謂何老人幸
疆健姑徐之勿以爲念九月男奉

命充武會試正考官十月
調授工部右侍郎緣出闈腹泄寢成便血肌體日羸然
入侍

禁直出襄部務不肯以疾自解丁亥疾始痊戊子奉
命充江西鄉試正考官請
訓時奏懇試畢道便省親得

報可是科得士九十四人多西江知名士比返舍徧掃
先塋訖切切跽辭云爲臣爲子緩急詎寧自專請告

容得已哉男庶乘此報

命之役披瀝肝膈矣則又斥之曰男誤矣男擢指數比
年來若庚寅若辛卯

國慶臻至在籍諸薦紳猶連艫接軫咸忭蹈赴

闕下男乃預籌束裝計乎男誤矣男遂哽咽囁嚅以出
自茲不以絮語入家問夫孰知此出門之辰卽爲男
永永違侍之日耶己丑次孫種之散館

欽定清書一等一名授職編修七月男當扈
蹕木蘭長孫謹之亦隨侍

行在十一月爲余八十誕辰宗郤相於讌集庚寅八月

恭逢

皇上萬壽聖節男隨班叩祝迨九月杪宿齋官廨覺中寒語澀頗類風症醫多投補劑不效懇請給假調治逾月再請開缺均奉

旨俞允至十二月二十日趙媳忽以侍疾憂悵感痰湧暴卒男以爲病亾惡耗恐重愴老懷宜匿不以言洎辛卯春和男疾良已入夏眠食復常喜謂孫曰吾疾竟去體今冬獲恭叩

聖母皇太后鴻禧及明年冰泮南還吾復何憾每日晨興北嚮肄拜起之節若忻慰不自勝者詎八月中旬

後喉間突作腫痛虛熱上炎至二十六七日咯血數
次神氣委頓十月初七八日暴下痛楚瀕危再四自
是決意斷藥孫輩涕泣進勸揮手云吾病豈藥所能
爲汝等勉事大父贖吾罪責可耳十一月尙力疾盥
漱十二月飲食愈減迄今年元旦呼孫輩扶掖衣冠
望

闕泥首欷歔雪涕自此卧牀不起十六日遞召家人與
訣曰適有人告我數日內當去矣孰意二十四日勺
粒不進延至三更痰喘氣逆而神理清明以一指書
空作字及五鼓息微孫輩號呼遽洒然化已傷哉割

西營錄上卷一
乎是孫輩侍疾中私記顛委如此而男所不忍以一
字聞之老人者也男性孝友天至事余及史夫人意
懇到無文飾厯官衣食粗贍向幼輩必枚舉夫人勤
儉素風謂一絲一粟吾先人珍惜若何兒孫苟暴殄
非忘來處耶次男雖出嗣男關愛殷摯以弟近四十
始舉一子喜至竟夕不寐才五齡爲捐國子生速期
成立從姪端著籍京縣爲諸生歲時俛助無倦容他
如子姓因依者以十數皆隨材扶植使各有所就乃
已族妹爲遣嫁者二一歸翰林侍讀沈公初一歸江
都廩生俞卽大謨也間與繩菴姪言吾宗托先廕門

祚良厚而族屬困乏者多童幼踵起英特者不加夥
爲憂形於色居恆祥順坦易臧獲弗聞呵叱聲然急
人之急常若不及侍讀吳公翼雲歿于旅舍男以素
交厚爲晝夜辦含斂纖悉必周旁逮同年寮友慶弔
之事不憚倡率經紀卒至代匱無厭所學務求賅貫
入館後撰擬經進諸作並壯年所存制義胥付孫輩
彙錄藏弄平生雅擅儷體最爲竇師心賞繩菴姪亦
云徐庾咀華燕許疏事玉谿生標舉吐屬別樹一格
其閔中肆外斷推王楊盧駱吾弟瓣香當在是歟病
前促陸甥瑗哀繕成帙病中屢出屬繩菴姪謀爲序

西營錄上家言 卷一
以傳之男生于康熙五十七年九月十三日亥時卒
于乾隆三十七年正月二十五日寅時享年五十有
五歲

皇清誥授資政大夫工部左侍郎入直

內廷元配余氏候補訓導崑巖公女繼室趙氏戶部尙
書恭毅公會孫女翰林院侍讀裘萼公孫女兩浙鹽
驛道景羅公女俱贈夫人子三人長謹之乾隆己卯
科舉人內閣中書軍機處行走充

方畧館提調官娶湯氏翰林院編修前內閣侍讀學士
入直

內廷萼南公女次種之乾隆三十年

南巡

召試一等

特賜舉人內閣中書丙戌科進士翰林院編修充

方畧館纂修官娶陳氏太學生文學公女繼聘史氏太

傅文淵閣大學士文靖公孫女三品卿銜前兵部左

侍郎吉甫公女元配余氏出次理之國子生聘梁氏

巡撫湖南等處兵部侍郎右副都御史瑤峯公女繼

室趙氏出女五人元配余氏出者一繼室趙氏出者

二側室陳出者二一歸淮徐兵備道蘭谿趙容菴公

孫候補鹽大使蘧若公子國子生任江一字候補員
外郎桐城方公諱觀本次子餘幼未字孫女一人種
之出未字伏望當代有道能文巨公錫之銘誅以賁
元壚銜戢歿存其永無暨期服樞泣書

皇清待贈夫人元配余夫人內狀

亾室姓余氏外父由明經需次訓導無子生二女夫人居長元配丁太君出也夫人自幼從明經公指授書傳有至性于歸之日外家方素封外母以夫人嫡長女資贈不薄時予家中落母夫人織紵以供師膳日食幾不給夫人至簪珥織縞半斥以嫁兩姑日一茹蔬藿外母貽以珍饈撤弗御母夫人性方嚴夫人隨事承順以此得母夫人歡甚至常力戒其操作而夫人亦以體尪弱不能親井曰爲愧予十八時籍諸生三躋省門家業愈不振又素不能習時下文字歲

科試輒乙等遂無人延爲經師間授徒餬口而已無所爲脯脩貧乏至不能名一錢夫人怡然未嘗以有無相問辛酉歲予援例入北雍夫人盡出嫁時衣飾粥之乃得至都會下第留滯京師夫人在家以婦職而兼子職兩大人連遭疾病夫人視湯藥衣不解帶病愈乃已或遇事有拂意夫人慰藉終日引小兒女搏弄以此得解顏常曰家有賢婦吾兒不宜久蹶也戊辰予成進士入翰林夫人不色喜家問中時時以謙退爲勗己巳予謁假歸染時疫瀕于殆者數四夫人昕起爲予調參藥靜夜涕泣籲天祈以身代復強

作柔色慰二人曰兒竊觀祿相是無凶害理蓋目不
交睫者匝兩月會予病愈卽辦裝赴京師留夫人主
中饋時兩兒子已就外傅夫人侍堂上眠食已卽課
兒子所讀書針紉刀尺與伊唔相間兩大人顧而樂
之也夫人事外父母至孝外父先夫人未嫁卒夫人
痛哭不欲生外母以盛夏疽發于背夫人至吮其瘡
病革之日夫人幾以身殉母夫人責以大義乃強起
視息嗣是遂得胸膈疾壬申歲兩大人促夫人北上
就道之日夫人泣母夫人亦泣妯娌親串下逮婢獲
之髻鬢者皆哭失聲蓋夫人寬仁忠厚無戚疏上下

上卷 卷二 三
恭敬而有禮惜別之際殆難爲懷然識者知其不祥也來京師儉素逾舊苦北地寒未嘗製一裘偶得縑帛輒郵寄爲二親壽有時達空函不怡數日母夫人知夫人體怯尤素愛兩孫飴糖笱脯絢履襪材之屬寄問不絕夫人輒泣下曰是姑力作而我食之也舍弟送夫人至京師起居飲食夫人調護之維謹其歸也度不可留意黥慘曰舅姑且年老叔已爲人後乃得侍夫子宦遊歸何日也日食惟齋素顧及門泊羣從之客予家者雖薄饌躬自檢點期於旨適屬續之前夕猶經營米鹽漿藿甚悉曰毋以我故慢客好讀

書間作小詩不涉綺麗語五月望日予儻直西苑夫
人中夜起作書候問二親及姑姊妹娣姒語多惻愴
最後謝母夫人曰不能長侍膝下矣因飲泣明日病
發不知感何異也夫人在家時疾作服藥如母夫人
指輒愈至是知不可爲北地無良醫補瀉雜治果大
劇有勸服參劑者曰吾不忍以一椀藥耗半月餐卒
不服疾亟呻吟竟夜戒侍者勿令予知卒之時產一
女猶進粥飲須臾覺神色有異顧予曰長謝子矣淚
綆縻下遂瞑哀哉夫人生于康熙五十五年九月初
四日辰時卒于乾隆十八年六月初七日巳時享年

三十八歲

皇清待贈夫人嗚呼自予以衣食奔走及服官京師與
夫人相聚僅六寒暑食貧居賤辛苦備嘗以予行負
神明致茲倉卒白頭黃口銜恨何窮桐半死而先焦
蠟成灰而猶淚畧陳梗概惟知我者鑒焉不杖期夫
星煒述

皇清待贈夫人繼室趙夫人內狀

夫人趙氏太子太保戶部尙書諡恭毅諱申喬公曾孫女翰林院侍讀諱熊詔公孫女兩浙鹽驛道諱侗敷公長女也年二十九歸于予是時予視學粵東先太夫人攜至任所成禮先是予元配余夫人賢而有禮事親孝與太夫人相依者十八載及沒太夫人念之不置居恆慘然不樂夫人柔顏愉色婉婉順從而鞠視余夫人所生兩子一女慈愛尤至先太夫人每顧而樂之曰是足以繼吾婦矣夫人爲外母黃恭人愛女奩贈殊厚旣來予家見先太夫人持家勤儉悉

却純綺珠翠之飾簪蒿裙布見者不知其生長富貴
家也越一載先太夫人患胸膈疾夫人憂形於色視
湯藥候起居者殆將逾年無一刻稍懈及先太夫人
見背夫人哀毀治喪事靡不中禮予之粵東親從相
依者衆食指綦繁俸入隨手散去及遭大事幾不能
辦裝抵家又予曾祖祖父母皆以家貧未葬至是經
營地宅竭蹶難支夫人盡斥嫁時衣飾鬻以襄事乃
得濟戊寅予服闋北上留夫人主家事夫人上侍家
大人飲食起居惟謹歲時腰臘潔脩祀事門以內肅
然也己卯予奉

命視學皖省夫人隨家夫人之官舍及受代赴都家大人以年高不樂遠涉夫人復奉侍以歸居三載會予入直

內廷蒙

恩游擢卿貳兩子亦相繼登仕籍家大人念京寓無人促夫人挈兩婦北上夫人辭不獲甦勉治裝來京師儉素逾往日潔盤飧課臧僕未嘗一日自安予每日以寅初入直夫人必躬起視食飲雖止之不聽蓋不自懈逸天性然也戊子夏夫人遭疾危甚予方奉命典試江右夫人強起爲予束裝及歸病良已嗣後時

止時作猶勉強櫛沐經理家務每遇年正月朔夫人必焚香南拜祝翁康健如昔予蒙

恩

賞賚殊渥紵紗貂錦之錫出自

內府者夫人必緘寄南歸下至參苓滫瀡之物殆無虛月己丑七月次媳陳安人卒夫人哭之慟遺一女甫十齡夫人愛之過于己女去冬十月予染風疾不能言夫人昕夕侍予以意察予動靜無不曲當每漏下四鼓夫人猶與兒女輩環侍寢室予竊視其襟淚痕盡濕以是病復發後卽愈然予益以知夫人之瘁甚

也臘之二十日夫人晨起盥櫛如平時忽覺神色有異痰逆喉閉氣喘急如亂絲逾時遂瞑哀哉夫人生于雍正四年六月二十日亥時卒于乾隆三十五年十二月二十日未時享年四十有五歲

皇清待贈夫人子男三人長男謹之乾隆己卯科舉人內閣中書軍機處行走加一級娶湯氏

內廷供奉翰林院編修萼南公女次種之乾隆三十年南巡

召試一等

欽賜舉人內閣中書丙戌科進士翰林院編修娶陳氏

太學生文學公女繼聘史氏太傅文淵閣大學士諡
文靖鐵厓公孫女兵部左侍郎吉甫公女元配余夫
人出次理之國學生聘梁氏巡撫湖北等處兵部侍
郎右副都御史提督軍務糧餉加三級瑤峯公女夫
人出女五人元配余夫人出者一夫人出者二側室
陳氏出者二一字淮徐兵備道趙公諱錫禮公孫候
補鹽大使諱瑗公子一字候補員外郎方公諱觀本
公子餘幼未字孫男一人錕孫女一人種之出夫人
歸予十六載事兩親以孝撫諸子以慈待戚鄰以禮
馭下以恩以是聞夫人之沒者無不嗟歎失聲悲夫

予自通籍以來往還京邸二十餘載而前後兩喪其
耦言念今昔愴然于懷顧其行事有不可泯沒者特
撫其遺行以告立言之君子不杖期夫星煒述

皇清貽贈奉政大夫翰林院編修加四級顯考運帷府

君行述

府君諱繼留字運帷爲高祖毅菴公會孫曾祖曰舍
鑑公本生曾祖曰士貞公祖父傳舟公早世無子祖
母蔣太孺人苦志守節按昭穆次序以堂伯章仲公
爲嗣而太孺人獨鍾愛於府君甫免襁褓卽離本生
祖父朗齋公祖母史太夫人而入嗣焉府君性純孝
恆得太孺人歡太孺人勤紡織甘淡泊府君依依膝
下行坐不離未十歲卽援例國子監生稍長便能佐
治家事年十八嫡母吳太宜人來歸勤儉相輔庭訓

西營蓋上家譜 卷二
岡弗遵循太孺人恆以愜心色喜太孺人自守節以
來勤儉艱辛產增於舊中年以精力衰染血症病臥
不起府君日侍湯藥無倦容時章仲公已故命與堂
兄伯南析產增置高高祖素隅公暨高祖毅菴公祭
田並建柏樹頭五分小宗祠府君無不先意承志未
免喪卽爲太孺人呈請

旌

表建坊於五分宗祠前族衆見府君練達老成遂舉
素隅公祠產委諸府君曰非子莫能任也府君不獲
辭矢慎矢公以遵太孺人之志歲壬申送先伯母余
太夫人至京邸先伯父司空公欲爲援例入仕府君

不欲以貲進旋辭歸里癸酉先伯父視學粵東府君
隨之任所丙子四月史太夫人卒於署哀毀骨立扶
柩南歸治喪事纖悉必周守制期年服闋後素服悲
哀如一日也先伯父同胞之誼最篤雖各自承祧不
存彼我之見府君年近四旬未有兒息屬意二兄種
之欲以爲嗣太宜人亦同之先伯父曰余僅兩子長
子弱次子不能爲汝嗣納妾生子未爲遲也因納生
母張氏辛巳八月生不孝埏之馳書太平官舍先伯
父喜不成寐五歲卽爲援例國子監生迄今府君與
太宜人仍得二兄

匱封贈府君之受庇於先伯父者深而友恭之篤則固
有素矣丙戌赴都省先伯父途中感冒風熱抵京病
甚見先伯父寫家書相對而泣調治百端始得痊愈
時祖父朗齋公在家促裝南返晨昏定省無間戊子
先伯父主試江西乞假歸里一堂懽笑如髫年自此
遂成永訣壬辰二月聞訃哀號數日每於夜半有哭
聲省之則在夢寐甲午正月祖父朗齋公辭世喪葬
盡哀盡禮一如喪史太夫人時府君性耿直表裏樸
誠遇事侃侃不避嫌怨救困扶危尤所盡力乙未常
郡大饑設局捐賑府君分司其事籌辦數月捐輸惟

恐後親族窮困者自冬徂春計日周給嘗諭不孝等
曰我輩飽餐不易須知外人艱苦辛丑六月南蘭洲
爲風潮所淹府君卽糴米載錢並置一切爨具至洲
洲民藉以安業府君體素虛弱兼以積勞是冬十二
月突患瀉血至壬寅春夏間漸愈癸卯正月府君六
十壽辰先期爲錫山之遊越日歸不孝等暨諸姊妹
奉觴稱慶緣舟中冒寒未能安飲一勺病日益深嗚
呼府君勤儉一生纔週花甲不孝等竊幸血症旣愈
芑蔭之日方長孰知精力已衰疾病洊至秋初復患
胸膈症飲食輒吐十月勢增劇遂集素隅公以下五

分宗支交代祠產諸尊長咸念府君二十餘年所增
不啻倍蓰自鰥寡孤獨以及從師應試養老助喪之
費各定章程貧乏者悉有攸助一時相對唏噓莫肯
受欲仍俾不孝等承接府君慮不孝等幼弱難支垂
淚陳情者再四諸尊長知府君病劇姑慰藉之而退
至望後粒食不進不孝兄弟姊妹輩禮懺祈禱羽士
已集府君聞之曰余病已入膏肓不能復起旣邀羽
士當爲蔣太孺人酬恩不孝等奉命不敢違至二十
五日清晨思食鮮魚卽進魚羹稍食頭尾胸次無礙
惟說有頭有尾四字氣息漸微延至午刻竟棄不孝

等而長逝矣嗚呼痛哉府君生於雍正甲辰年正月二十五日子時卒於乾隆癸卯年十月二十五日午時享年六十歲丙午九月二十四日卜葬於四河口新阡主穴庚戌元旦恭遇

覃恩以兄種之任翰林院編修加四級

馳贈奉政大夫吾母封太宜人

誥贈中憲大夫刑部福建司郎中諱玠公女男六人長
埏之國子監生娶吳氏乾隆乙酉舉人河南上蔡縣
知縣名熊公女次埴之郡學生娶王氏乾隆丁巳進
士歷任福建連江縣知縣

誥贈奉直大夫兵部武選司主事諱光燮公女次樽之
娶陳氏乾隆丁酉舉人名均公女次培之聘章氏國
子監生諱文煥公女次坊之聘徐氏刑部候補司獄
名景坤公女次域之聘余氏國子監生名垌駟公女
俱生母張氏生女三人長適漢陽張承濟次適內閣
中書莊復旦俱太宜人生次適溧陽國子監生狄夢
曾生母張氏生孫男五人長賡廷聘高氏國子監生
名清選公女次襄臣聘吳氏國子監生名海瀾公女
次衷諧聘陸氏乾隆甲午舉人安徽東流縣教諭名
壽昌公女次錫寶聘狄氏卽夢曾女俱埏之生次開

成樽之生孫女二人長未字次字吳寧一埴之生鳴
呼府君自癸卯冬棄世於今八年矣不孝等幼者冠
弱者壯莫能卓然自立以慰先靈尙得爲人耶尙得
爲子耶伏念府君一生宅心行事有不可泯沒者茲
值續修宗譜之時謹畧陳梗概附諸簡末

乾隆歲次辛亥孟冬不孝長男埴之含淚稽首謹述
賜進士出身兵部武選司主事姻愚姪王育琮填諱

Vertical columns of text, likely bleed-through from the reverse side of the page. The text is extremely faint and illegible.

皇清勅授文林郎雲南大理府浪穹縣知縣署直隸蒙
化廳同知顯考霽軒府君暨顯妣莊孺人行畧

府君諱煥章字旭岑號霽軒又號瀾滄年十九入邑
庠中乾隆己卯科舉人庚辰科進士府君幼從先外
祖莊濤音先生學十一歲爲文出筆穎異濤音先生
奇之謂先大父坦安公曰此甲科器也卽以先妣許
配焉先世自景范公諱純仁故明天啟間以進士起
家一傳至忠烈公諱熙祚由乙科爲巡按御史殉張
獻忠之難於永陽再傳爲柯亭公諱晉蕃天啟壬午
舉人三傳爲高祖嗣鄴公諱朝鑑邑庠生俱未仕家

遂中落曾祖思存公諱泌好學多隱德年登八秩日以詩酒自娛不問生產貧至僦屋以居先大父垣安公諱棨以訓蒙爲養餽粥常不繼乃發憤投筆曰是安足以孝養耶持數金附糧艘轉販江淮間甘旨無缺年近四十始舉府君家稍裕有田產垣安公服賈於外先大母邵宜人獨主持家事事先曾祖父母以孝聞督教府君甚嚴入邑庠始假以辭色先大母嘗夢彩鳳投懷而生府君至進士捷報至夜四漏賀者畢散始從容爲先妣言之顧謂不孝輩曰吾蓄是夢三十有八年初未嘗爲一人道恐不驗徒爲人笑耳

今無憾矣汝輩宜自勉勿惰學此可見先大母之所
以教與府君之所以有成也府君遊庠後初未知名
發憤下帷三年試輒冠其曹嘗讀書城東永慶寺寺
荒僻頽敗夜半鬼嘯於庭一燈青熒府君讀不輟也
所與遊如莪溪許公緯堂湯公卓其沈公南湖徐公
俱一時名士所從學如同邑蘊山管君宿航周君王
士莊君金沙調安虞君俱負文名登甲乙榜其他爲
名諸生者指不勝屈蓋府君交友以誠樸而課徒講
授尤不肯稍事矯飾也府君屢躋場屋年三十七始
援例入北闈聯捷成進士需次選曹是時先大父母

年俱七十餘或有勸府君納貲卽用者府君曰白髮
在堂已仕者且告歸況吾可不爲祿仕何必急急而
違膝下之歡乎卽襍被南歸怡怡色養者五六年乙
酉歲先大父母相繼謝世喪葬盡禮戊子冬服闋始
謁選授知四川銅梁縣事創辦城工粗有條理未三
月因族祖絜亭公諱益任蜀省臬使迴避入都選授
雲南浪穹縣知縣邑有寧湖周四十里爲洱海之源
水多仰出罷谷之山若環拱出口甚隘曲口兩旁溪
澗叢雜夏秋潦水挾砂石而下口淤則湖溢淹田禾
漂廬舍積爲邑患庚寅災益劇府君甫履任卽力請

加賑流亡得安堵又親臨相度效禹貢九河之法創
開兩子河間年分疏使砂石不積行之二年漲水日
消民田半出去縣之日民爭立碑頌治蹟府君悉却
之爲作創開新河記一篇付紳耆泐諸石以告後之
仕者有所遵守焉壬辰調署趙州牧癸巳陞署蒙化
同知所至慎刑讞均徭役不避強梗以故良善戴德
而豪強多斂怨甲午夏因爭辯鹽政事一笑忤上官
意適有奸民挾嫌以家人犯贓僅予責逐不行詳報
事上控遂以失察被參落職謫戍恭遇

覃恩赦免而追賠盈萬恆產罄竭宦橐蕭然復留滯不

西華錄上卷一
得歸庚辰同年敬修吳公爲騰越州牧閱府君之窮
延主騰衝書院講席府君隻身匹馬間關千里往依
之由是得咯逆之疾誤服燥藥以致血湧暴沒于書
院賴吳年伯殯殮如禮時丁酉八月十五日也嗚呼
痛哉是歲不孝兄弟俱以應試回籍竟無一人親視
含殮抱恨終天百死莫贖嗚呼痛哉距生于雍正三
年八月初八日巳時享年五十有三戊戌春聞訃卽
偕伯兄可培匍匐赴滇府君靈櫬已邀吳年伯暨同
鄉知昆明縣事冲紫楊公由騰越輦寄省城青門寺
中不孝兄弟苦塊僧寮易衣爲食凡十閱月賴故撫

軍徐兩松先生聞而憐之倡捐麥舟之助始得旋里
己亥正月卜葬于城西海子口螺墩先塋之側辛山
乙向府君體貌頎偉目短視口可容拳性質直無城
府喜怒不飾待物以誠居鄉喜任事如濬城河修邑
志俱不避嫌怨實力仔肩族黨有赴愬者抑強扶弱
力爲排解居官接吏民待同僚皆和而率直見上官
尤侃侃敢言卒以此見欺于人而呈吏議生平守儉
約宦轍所至斐几繩床不爲鮮衣美食被議留滇布
衣純屨徒步往來昆池太華間與諸生遊尤喜與人
談文藝反覆開示亶亶日昃不倦人有以文見質者

指斥無隱遇佳者輒吟諷不置口或使不孝輩抄錄之以備檢閱罷官後手不釋卷滇南苦無書或借得數種必手自抄寫丹黃徧焉晚更究心于卜筮星命之學歷有奇驗不孝曾於手抄書中檢得六壬課一紙批云吾病中秋日必死過此便有生機恐不能耳嗚呼痛哉何數之奇也平居常訓不孝等曰汝輩讀書明理忠孝家風固不可墮但讀書貴有實用若徒事訓詁掉弄筆頭遇事則百無一能直芻狗耳不孝年近四十頽落無成追誦哲言怒焉如擣府君制藝膾炙人口梓有霽軒時文稿一卷餘散見毘陵三子

合稿與月圃時公所選文測中宦遊得詩數百首自序曰門外草錄而藏於家

先妣莊孺人郡庠生濤音公第三女少失恃年十九歸府君慈厚沉靜寡言笑日未嘗知書而喜聽人誦書一再過輒不忘先大父母以節儉起家少婢僕并曰中饋事皆孺人操之不孝輩兄弟衆多俱躬自撫育恩勤均至先大母御下素嚴或遭呵斥委婉承順退而飲泣不孝輩環慰之不聞有怨言自先妣于歸後家漸裕府君旋通籍履外任孺人蔬食布衣不廢紡績先曾祖祖父三世俱鮮兄弟同宅諸姑姒娣伯

叔皆屬總麻以下先妣待之休戚相關不異同產御
臧獲以恩婢媪自親鄰中至者必促坐歛語性尤慈
惠戚黨貧乏請貸者無虛往不給則典質以付卽至
再三無吝色間有詭容飾詞以誑者婢僕輩或摘其
奸先妣曰吾心自不忍耳卒與之自家裕時然至家
落時亦無不然晚年益自刻苦以濟人爲急歿之日
無餘衣無剩珥無重褥此皆不孝等濩落無能不能
養志所致然而不敢沒也府君厯宦滇蜀先妣以體
羸道遠未能從往撫教不孝輩雖慈愛逾常不加督
責而待塾師甚恭飲膳必手調以進不孝輩侍師飯

畢入省先妣必問食某饌先生容色如何曰善則喜
否則翌日必更易之濤音公年登八秩迎養於家承
歡晨夕先妣之恭儉仁孝蓋數十年如一日也癸卯
冬疾革自知歿期神明湛然囑殮用疏布勿加命服
泣謂不孝等曰汝父客死萬里外親屬無一人在者
我後死五六年得首邱兒孫子婦滿牀下尙何憾乎
適增慟耳慎毋厚殮以重吾過嗚呼痛哉此尤不孝
輩萬死莫贖所仰天椎心而泣血者也時方延畫家
傳影先妣強起正容坐畫畢勞謝如平時客退始返
枕晏然而逝距生于雍正乙巳十月十六日辰時卒

西營錄上家譜卷十一
三
于乾隆癸卯十月二十二日戌時享年五十有九貧
不能葬至戊申仲冬始克卜吉治喪啟先府君之壙
而合窆焉生男七人可培增貢生娶楊氏邠舟公長
女可大國學生娶楊氏翔九公女繼娶湯氏甲子舉
人文縣知縣枕亭公次女可均縣學生娶李氏鷺容
公長女可堅國學生娶莊氏雲南石屏州吏目杏山
公女可堂府學生娶宣氏彥吉公次女可垣娶卜氏
辛巳進士通海縣知縣向叔公長女可垂娶汪氏丙
辰進士江西瑞金縣知縣文在公季女生女一人適
國學生徐方翰丙戌進士今儀隴縣知縣南湖公子

孫男九人銘鼎銘常銘量可培出銘盤可大出銘器
銘彝可堂出銘牖銘紳銘書可垣出孫女九人茲因
修家譜謹條次先府君先妣行畧如右

次男可大泣述

賜進士出身

誥授奉直大夫戶部山東清吏司郎中門人管世銘百
拜填諱

此章論學問之次第。子曰：「博學之，審問之，慎思之，明辨之，篤行之。」此五者，為求道之次第。博學，謂廣求諸書，以資參考。審問，謂就所學而詳加研詰。慎思，謂就所問而細心推求。明辨，謂就所思而分別是非。篤行，謂就所辨而力為實踐。此五者，不可偏廢，且須循序而進。又曰：「有弗學，學之弗能，弗措也；有弗知，知之弗能，弗措也；人一能之，己百之；人十能之，己千之。果能此道矣，雖愚必明，雖柔必強。」此言學問之勤，及切磋琢磨之功。又曰：「知微，知彰，知善，知惡，知是，知非。」此言學問之廣，及是非善惡之明。此章之旨，在於勉勵學者，務求學問之精，而實踐之篤。

